



№ 5 (383) მაისი, 2025 წელი

თბილისის სახელმწიფო
სამედიცინო უნივერსიტეტი
შენი მომავალი უნივერსიტეტი



გაიხანი შანი მომავალი უნივერსიტეტი



ნელს, 10 ივნისს თბილისის სახელმწიფო სამედიცინო უნივერსიტეტის დამოუკიდებელ უმაღლეს საგანმანათლებლო ინსტიტუტად არსებობიდან 95 წელი გავიდა. ეს სოლიდური თარიღია, თუმცა სტრუქტურის ცვლილება კიდევ უფრო ხანგრძლივი განვითარების გზის მხოლოდ ნაწილია და თსუ-ის აკადემიური ისტორია საქართველოში საუნივერსიტეტო განათლების არსებობის ზუსტი თანმდევი. 1918 წლის 17 ივნისს, რამდენიმე თვით ადრე დაარსებული თბილისის უნივერსიტეტის (კავკასიაში პირველი უნივერსიტეტი) პროფესორთა საბჭოს გადაწყვეტილებით, გაიხსნა სამკურნალო ფაკულტეტი. 1930 წლის 10 ივნისს თბილისის სახელმწიფო უნივერსიტეტის რეორგანიზაციის შედეგად დაარსდა თბილისის სახელმწიფო სამედიცინო ინსტიტუტი. თსუ-ის აკადემიური ისტორია უკვე საუკუნეზე მეტს ითვლის და საქართველოში სამედიცინო განათლების საძირკველს წარმოადგენს.

თბილისის სახელმწიფო სამედიცინო უნივერსიტეტმა დაიმკვიდრა თავი, როგორც ცოდნისა და კვლევის მაღალი აკადემიური ხარისხის, დემოკრატიული მმართველობის, გამჭვირვალე მენეჯმენტისა და აკადემიური თავისუფლების ხელშეწყობისადმი ურყევი ერთგულების მქონე ინსტიტუტად. ეს ძირითადი პრინციპები ჩვენი საუნივერსიტეტო ცხოვრების ურყევი ღირებულებაა და უზრუნველყოფს სწრაფად განვითარებადი სამედიცინო განათლებისა და ჯანმრთელობის დაცვის მაღალი სტანდარტის მენარჩუნებას, მუდმივ სწრაფვას სრულყოფისკენ.

თბილისის სახელმწიფო სამედიცინო უნივერსიტეტის მიერ არჩეული განვითარების კურსი, უკვე არსებული შედეგების გათვალისწინებით, ცხადყოფს, რომ ეს გზა ოპტიმალურად შეესაბამება იმ მიზნებს, რაც განვითარებულ ქვეყნებში აღიარებული განათლების მაღალი სტანდარტის მისაღწევად დადასტურდა.

ზემოთქმულის თვალსაზრისი მაგალითია, რომ:

- თბილისის სახელმწიფო სამედიცინო უნივერსიტეტში მედიცინის, სტომატოლოგიის, ფარმაციის, საზოგადოებრივი ჯანდაცვის, ფიზიკური მედიცინის და რეაბილიტაციისა და მედიცინისა და სტომატოლოგიის საერთაშორისო ფაკულტეტებზე ხორციელდება მხოლოდ უმაღლესი შეფასების მქონე, აკრედიტებული (ერთსაფეხურიანი, საბაკალავრო, სამაგისტრო და სადოქტორო) პროგრამები.

- თბილისის სახელმწიფო სამედიცინო უნივერსიტეტი IAF და IAS-ის აკრედიტაციის მქონე ISO-ს 9001:2015 - ხარისხის მართვის შესაბამისობის სერტიფიკატის მფლობელია. ეს დასტურია იმისა, რომ თსუ-ის საქმიანობა სრულად შეესაბამება საერთაშორისო სტანდარტის მოთხოვნებს საგანმანათლებლო სივრცეში.

- 2019 წლის მაისიდან თბილისის სახელმწიფო სამედიცინო უნივერსიტეტში ფუნქციონირებს სამედიცინო განათლების ევროპული ასოციაციის – AMEE-ის წარმომადგენლობა საქართველოში – AMEE-ის საერთაშორისო თანამშრომლობის ცენტრი. სადღეისოდ მსოფლიოში AMEE-ის სულ ორი რეგიონული წარმომადგენლობაა და ერთ-ერთი – თბილისის სახელმწიფო სამედიცინო უნივერსიტეტი შეირჩა AMEE-სთან აქტიური თანამშრომლობის, სამედიცინო განათლების მოდერ-

ნიზაციის, სწავლის, სწავლებისა და შეფასების თანამედროვე მეთოდოლოგიების დანერგვის, საერთაშორისო საგანმანათლებლო პროექტებში წარმატებული მონაწილეობის გათვალისწინებით.

თბილისის სახელმწიფო სამედიცინო უნივერსიტეტი თანამშრომლობს მსოფლიოს ნამყვან უნივერსიტეტებთან და საუნივერსიტეტო კლინიკებთან, რომლებთანაც ურთიერთობა რეგულირდება ორმხრივი ხელშეკრულებებით და/ან მემორანდუმებით, ერთობლივი საერთაშორისო პროექტებით (ERASMUS+, HORIZON Europe და სხვა). უნივერსიტეტი არის ავტორიტეტული საერთაშორისო ორგანიზაციებისა და ასოციაციების წევრი; ყოველწლიურად, სტუდენტები, რეზიდენტები, აკადემიური და ადმინისტრაციული პერსონალი, მეცნიერები და ექიმები მონაწილეობას იღებენ საერთაშორისო მოხილობის პროგრამებში.

თბილისის სახელმწიფო სამედიცინო უნივერსიტეტში წლები ფუნქციონირებს ერთობლივად შემუშავებული საგანმანათლებლო პროგრამები, რომლებიც საერთაშორისოდ აპრობირებული საუკეთესო საგანმანათლებლო პროგრამების ადგილზე – საკუთარ ქვეყანაში – შესწავლის საშუალებას იძლევა:

- ✓ დიპლომირებული მედიკოსის ამერიკული პროგრამა, რომელიც ემორის (ატლანტა, აშშ) უნივერსიტეტთან ერთად ხორციელდება;

- ✓ საზოგადოებრივი ჯანდაცვის და მენეჯმენტის საბაკალავრო პროგრამა, სადაც ჩვენი პარტნიორია მენეჯმენტისა და აღსრულების აკადემია UniMan (საფრანგეთი). პროგრამის დასრულების შემდეგ ორი (ქართული და ფრანგული) დიპლომი გაიცემა.

- ✓ ტიროლის კლინიკების გაერთიანების დასავლეთის საგანმანათლებლო ცენტრის AZW (ავსტრია) და თბილისის სახელმწიფო სამედიცინო უნივერსიტეტის ერთობლივად შემუშავებული საგანმანათლებლო პროგრამა ექთნებისთვის, რომელიც ქართველ ექთნებს საშუალებას აძლევს ევროპული სტანდარტების შესაბამისად დაეუფლონ პროფესიას, სტაჟირება გაიარონ და საერთაშორისო გამოცდილება მიიღონ ავსტრიის კლინიკებში.

თბილისის სახელმწიფო სამედიცინო უნივერსიტეტი ლექციების, პრაქტიკული მეცადინეობების, საწვინებელი ოპერაციებისა და კონსულტაციების ჩასატარებლად ყოველწლიურად იწვევს პროფესორებს ევროკავშირის ქვეყნებიდან, აშშ-დან, დიდი ბრიტანეთიდან, ისრაელიდან, თურქეთიდან და სხვა ქვეყნებიდან.

ნიმანდობლივია, რომ აქ ყოველწლიურად იზრდება საერთაშორისო სტუდენტთა რიცხვი. დღესდღეობით თსუ-ში 84 ქვეყნის 3500-ზე მეტი საერთაშორისო სტუდენტი სწავლობს.

უნივერსიტეტის კურსდამთავრებულები, არა მარტო საქართველოს, არამედ ევროპისა თუ ამერიკის შეერთებული შტატების ნამყვან კლინიკებში მუშაობენ და საუკეთესო ავტორიტეტით სარგებლობენ. მნიშვნელოვანია ისიც, რომ მუდმივად მზარდი საგანმანათლებლო და სამეცნიერო შესაძლებლობები, კვლევითი რესურსები ასახვას პოვებს მკვლევართა შრომებში. თსუ-ის სამეცნიერო-კვლევითი საქმიანობა ყოველთვის ექცევა საერთაშორისო პარტნიორების ყურადღების არეალში.

თსუ-ს აქვს საერთაშორისო მასშტაბის სამეცნიერო-კვლევითი ინსტიტუტები: თსუ-ის იოველ ქუთათელაძის ფარმაკოქიმიის ინსტიტუტი და თსუ-ის ვლადიმერ ბახუტაშვილის სახელობის სამედიცინო ბიოტექნოლოგიების ინსტიტუტი, სადაც საერთაშორისო დონის კვლევები ტარდება. სასიხარულოა, რომ თსუ-ის აკადემიური პერსონალის, მკვლევრების და მეცნიერთა თანამშრომლების ნაშრომები საერთაშორისო სამეცნიერო საზოგადოებების მაღალ შეფასებას იმსახურებს.

თბილისის სახელმწიფო სამედიცინო უნივერსიტეტი ფლობს მძლავრ კლინიკურ და კვლევით ბაზებს: თბილისის სახელმწიფო სამედიცინო უნივერსიტეტის პირველი საუნივერსიტეტო კლინიკა, თსუ-ის გივი ჟვანიას სახელობის პედიატრიის საუნივერსიტეტო კლინიკა, შ.პ.ს. „თბილისის სახელმწიფო სამედიცინო უნივერსიტეტისა და ინგოროყვას მაღალი სამედიცინო ტექნოლოგიების საუნივერსიტეტო კლინიკა“, თსუ-ის აპოლონ ურუშაძის სახელობის სტომატოლოგიური კლინიკა, თსუ-ის N1 სტომატოლოგიური კლინიკა, თსუ-ის იოველ ქუთათელაძის ფარმაკოქიმიის ინსტიტუტი, თსუ-ის ვლადიმერ ბახუტაშვილის სახელობის სამედიცინო ბიოტექნოლოგიის ინსტიტუტი.

ასევე, თბილისის სახელმწიფო სამედიცინო უნივერსიტეტის სასწავლო დეპარტამენტები თსუ-ის სხვადასხვა, პარტნიორ თუ აფილირებულ კლინიკაში ფუნქციონირებს. კენ ვოლკერის სამედიცინო რეაბილიტაციის საუნივერსიტეტო კლინიკაში განთავსებულია თსუ-ის სარეაბილიტაციო მიმართულების ყველა სტრუქტურული ერთეული, ფიზიკური მედიცინისა და რეაბილიტაციის ფაკულტეტის სასწავლო დეპარტამენტები. აღსანიშნავია კენ ვოლკერის სამედიცინო რეაბილიტაციის საუნივერსიტეტო კლინიკა, სადაც განთავსდა თსუ-ის სარეაბილიტაციო მიმართულების ყველა სტრუქტურული ერთეული, ფიზიკური მედიცინისა და რეაბილიტაციის ფაკულტეტის სასწავლო დეპარტამენტები.

მნიშვნელოვანი პროექტია თსუ-ის ბავშვთა ადრეული განვითარების აკადემია, რომელიც წლებია, ფუნქციონირებს პირველი საუნივერსიტეტო კლინიკის სივრცეში. 2024 წლის 26 მარტს კი გაიხსნა თბილისის სახელმწიფო სამედიცინო უნივერსიტეტის ბავშვთა ადრეული განვითარების აკადემიის საბურთალოს ფილიალიც. თსუ-ის ბავშვთა ადრეული განვითარების აკადემია ერთობ მნიშვნელოვანი პროექტია, რომელიც ემორის უნივერსიტეტისა და თსუ-ის თანამშრომლობით ხორციელდება. აკადემია სხვადასხვა ტიპის დარღვევის მქონე ბავშვებსა და მოზარდებს ეხმარება სოციალურ გარემოში ინტეგრაციისა და საკუთარი შესაძლებლობების რეალიზებაში.

თბილისის სახელმწიფო სამედიცინო უნივერსიტეტის შემდგომი განვითარებისთვის მეტად მნიშვნელოვანი რამდენიმე ინფრასტრუქტურული პროექტი ხორციელდება.

- ✓ მიმდინარეობს მრავალფუნქციური შენობის (ფართობი: არანაკლებ 12000 კვ.მ.) სამშენებლო პროექტი ზ. ანჯაფარიძის (ყოფილი სანდრო ეულის) ქუჩაზე. მასში განთავსდება უნივერსიტეტის ფუნქციონირებისთვის აუცილებელი სივრცეები: ამბულატორია, საოჯახო მედიცინის დეპარტამენტი, სივრცე აკადემიური საქმიანობისათვის, აფთიაქი, კლინიკური უნარებისა და მულტიდისციპლინური სიმულაციის სასწავლო და საგამოცდო ცენტრი, მედიცინისა და სტომატოლოგიის ფაკულტეტებისთვის OSCE – ობიექტურად სტრუქტურირებული კლინიკური საგამოცდო ორი ცენტრი – თითოეული 20 სადგურზე.

- ✓ მიმდინარეობს მენტალური ჯანმრთელობის კლინიკის მშენებლობა (არანაკლებ 6000 კვ.მ. ფართობის) სარაჯიშვილის ქუჩაზე.

- ✓ მიმდინარეობს თბილისის სახელმწიფო სამედიცინო უნივერსიტეტის სტუდენტთა საერთო საცხოვრებლის (არანაკლებ 800 სტუდენტზე) მშენებლობა;

ყველა ზემოთ ჩამოთვლილი პროექტი ძალიან მალე დასრულდება.

მეტად მნიშვნელოვანია თბილისის სახელმწიფო სამედიცინო უნივერსიტეტის როლი და პასუხისმგებლობა ჩვენი ქვეყნის მოსახლეობის ჯანმრთელობის დაცვის უზრუნველყოფის საქმეში, რაც ნათლად დადასტურა კოვიდპანდემიამაც. პანდემიის წლებში თბილისის სახელმწიფო სამედიცინო უნივერსიტეტის კლინიკები, მათი ექიმები, თსუ-ის სტუდენტები, აკადემიური, ადმინისტრაციული და დამხმარე პერსონალი საკუთარი ჯანმრთელობის რისკის ფასად, დაუღალავად იდგნენ „წინა ხაზზე“ უხილავ მტერთან ბრძოლაში.

თბილისის სახელმწიფო სამედიცინო უნივერსიტეტი თავისი არსით, მიზნებითა და ფუნქციით ერთ-ერთი უმნიშვნელოვანესი დასაყრდენია ქვეყნისთვის. თსუ-ის სტუდენტებს, რეზიდენტებსა და თანამშრომლებს, კურსდამთავრებულებს, თსუ-ის სამეცნიერო-კვლევითი ინსტიტუტების, კლინიკების თითოეულ წარმომადგენელს აქვს და ექნება პროფესიული სრულყოფისა და თბილისის სახელმწიფო სამედიცინო უნივერსიტეტის განვითარების საქმეში საკუთარი წვლილის შეტანის შესაძლებლობა.

ჩემთვის საპატიოა, მოგმართოთ ახალგაზრდებს, რომლებსაც გაინტერესებთ თბილისის სახელმწიფო სამედიცინო უნივერსიტეტში სწავლა, კარიერული განვითარება... მინდა გისურვოთ, ამ დიდი ავტორიტეტის მქონე უმაღლესი სასწავლებლის სტუდენტებად გახდომა, რაც თავისთავად, დიდი პასუხისმგებლობაცაა და დიდი წარმატებაც!

პროფესორი ირაკლი ნატროშვილი, თბილისის სახელმწიფო სამედიცინო უნივერსიტეტის რექტორი

სტუდენტური თვითმმართველობა



თბილისის სახელმწიფო სამედიცინო უნივერსიტეტის სტუდენტური თვითმმართველობა უნივერსიტეტის შემადგენლობაში არსებული სტუდენტთა წარმომადგენლობითი ორგანოა, დამოუკიდებელი სტრუქტურული ერთეულებითა და მართვის ორგანოებით,

რომელიც ახორციელებს უმაღლესი განათლების შესახებ საქართველოს კანონითა და უნივერსიტეტის წესდებით გათვალისწინებულ უფლებამოსილებებს, როგორც უნივერსიტეტში, ისე, მის გარეთ. მისი მიზანია, საკუთარი უფლებამოსილების ფარგლებში, დაიცვას და წარმოადგინოს სტუდენტთა უფლებები, კანონიერი ინტერესები და ხელი შეუწყოს მათ რეალიზებას, დახმარება გაუწიოს სტუდენტებს სწავლის პერიოდში, შეუქმნას ოპტიმალური პირობები დასვენების, შრომითი საქმიანობის თუ სხვა მოთხოვნების დასაკმაყოფილებლად, გაამრავალოფეროვნოს სტუდენტური ცხოვრება; შესაბამისად, გუნდი გეგმავს და ახორციელებს შემეცნებით-საგანმანათლებლო, სოციალურ, კულტურულ და სპორტულ აქტივობებს.

აღსანიშნავია, რომ პროექტები ტარდება სტუდენტთა მოთხოვნების მიხედვით, რომელთაც საშუალება ეძლევათ, არა მარტო მონაწილეობა მიიღონ ამა თუ იმ ღონისძიებაში, არამედ, სურვილის შემთხვევაში, თავად

განახორციელონ ნებისმიერი პროექტი.

თსუ-ის სტუდენტური თვითმმართველობის გუნდისთვის პრიორიტეტულია სოციალური და შემეცნებითი პროექტები, რომლის ფარგლებშიც, არაერთ სტუდენტს დაუფინანსდა სწავლის საფასური, ასევე, უფასო კლინიკური მომსახურების მიღების საშუალებაც მიეცა.

სტუდენტური პროექტები მოიცავს როგორც თეორიულ, ასევე, პრაქტიკულ საქმიანობას, რაც სტუდენტების განსაკუთრებულ ინტერესს იწვევს.

თსუ-ის სტუდენტური თვითმმართველობა თანამშრომლობს ქვეყანაში და მის ფარგლებს გარეთ არსებულ სახელმწიფო უწყებებთან, არასამთავრობო ორგანიზაციებთან, საკვლელოქმედო ფონდებთან და ამ ურთიერთანამშრომლობით ყველაზე მასშტაბური და დაუფინანსარი პროექტები ხორციელდება.

სტუდენტური თვითმმართველობა დიდი გამოცდილების მიღების, მნიშვნელოვანი ურთიერთობების და უნარ-ჩვევების შეძენის შესაძლებლობას აძლევს სტუდენტებს, რაც მათ ეხმარება საკუთარი თავის რეალიზებასა თუ დასაქმების ბაზარზე კონკურენტუნარიანად

ქცევაში.

თვითმმართველობის გუნდი სტუდენტებს სხვადასხვა აქტივობას სთავაზობს, ცდილობს, მათი ყოველდღიური რუტინული ცხოვრება საინტერესო და დასამახსოვრებელი გახდეს და ისინი გუნდის ღირსეულ წევრებად აქციოს.

ბოლო ორი წლის განმავლობაში, თსუ, ზედიზედ ორჯერ, „სტუდენტური ფესტივალის“ გამარჯვებული გახდა, რაც სტუდენტთა ერთიანი ძალისხმევის შედეგია. იმედია, ასეთივე ერთსულოვნებით არაერთი გამარჯვების მიღწევას შევძლებთ.

აღსანიშნავია, რომ დღეს სტუდენტური თვითმმართველობა არა მარტო მიღასაუნივერსიტეტო გარემოს შექმნა-ჩამოყალიბებაზე ზრუნავს, არამედ საზოგადოების ჯანმრთელობისა და სიცოცხლის დაცვის პრობლემების მოგვარებაზეც აკეთებს აქცენტს, რისი ნათელი მაგალითიცაა მისი წვლილი სისხლის უანგარო დონაციის განვითარებაში.

თბილისის სახელმწიფო სამედიცინო უნივერსიტეტის სტუდენტური თვითმმართველობა ახალგაზრდებს, მართლაც, საინტერესო და მრავალფეროვან სტუდენტურ ცხოვრებას პირთვით.



გახდი თსსუ-ელი! გაიხანი შენი მომავალი უნივერსიტეტი!



მედიცინის ფაკულტეტი

თბილისის სახელმწიფო სამედიცინო უნივერსიტეტის მედიცინის ფაკულტეტი გამორჩეული და აღიარებულია არა მარტო საქართველოში, არამედ მთელ კავკასიაში. ექიმობის მსურველებს საშუალება აქვთ, მიიღონ საერთაშორისო კლასის განათლება, რაც მათ გზას უხსნის მსოფლიოს ნებისმიერ ქვეყანაში დიპლომის შემდგომი განათლების მისაღებად და სამუშაოდ.

მედიცინის ფაკულტეტზე ხორციელდება ორი პროგრამა: დიპლომირებული მედიკოსის პროგრამა (სწავლების ენა – ქართული) და დიპლომირებული მედიკოსის ამერიკული პროგრამა (სწავლების ენა – ინგლისური).

დიპლომირებული სწავლება ერთსაფეხურიანია და მისი ხანგრძლივობა 6 წელია. სასწავლო პროგრამების მიზანია, აღზარდოს კონკურენტუნარიანი და სათანადო კომპეტენციის მქონე ექიმები, რომლებსაც აქვთ დაავადებათა პროფილაქტიკის, დიაგნოსტიკისა და მეურნელობისთვის საჭირო ცოდნა და კლინიკური პრობლემების გადასაჭრელად ამ ცოდნის გამოყენების უნარი.



საგანმანათლებლო პროგრამის დასრულების შემდეგ დიპლომირებული მედიკოსი შეიძლება დაასაქმოს ქვეყნის შიგნით, რომელიც მუშაობს ექიმი სპეციალისტის მეთვალყურეობით.

ბის ქვეშ, ან სწავლა გააგრძელოს რეზიდენტურაში ან დოქტორანტურაში. რეზიდენტურის დასრულების შემდეგ, ის ხდება ექიმი სპეციალისტი, ხოლო დოქტორანტურის დასრულების შემდეგ, მას ენიჭება დოქტორის აკადემიური ხარისხი მედიცინაში.

ფაკულტეტზე, დიპლომირებული განათლების ეტაპზე, ბოლო წლებში, მნიშვნელოვანი ცვლილებები განხორციელდა. 2021 წელს დიპლომირებული მედიკოსისა და დიპლომირებული მედიკოსის ამერიკულმა პროგრამამ მიიღო სრული აკრედიტაცია 7-წლიანი ვადით. განახლებულ პროგრამაზე სწავლება ხორციელდება ინტეგრირებული კურიკულუმით. წარმოდგენილ კურიკულუმში განსაკუთრებით საყურადღებოა სასწავლო დისციპლინებს შორის „ჰორიზონტალური“ და „ვერტიკალური“ ინტეგრაციის გაღრმავება. კლინიკური სწავლება იწყება პროგრამის პირველი სემესტრიდანვე, ბიოსამედიცინო მეცნიერებების სწავლება კი პროგრამის დასრულებამდე გრძელდება.

დაიხვეწა სწავლებისა და შეფასების მეთოდიკა. სწავლების მეთოდებიდან დიდი ყურადღება ექცევა შემთხვევებზე დაფუძნებულ სწავლებას – სტრუქტურირებული შემთხვევის განხილვას, იშვიათი შემთხვევის განხილვას, პრობლემაზე დაფუძნებულ სწავლებას, შემთხვევის ანალიზს, პროექტზე დაფუძნებულ სწავლებას.

საბაზისო კურსის სწავლებისა მნიშვნელოვანი დრო ეთმობა პრობლემის კლინიკური ასპექტების განხილვას, ხოლო კლინიკური სწავლების ეტაპზე სტუდენტები კვლავ უზრუნველდებიან ახალ ასპექტში განხილვას ფუნდამენტურ საგნებში ნასწავლ საკითხებს.

სწავლების პროცესში დიდი ყურადღება ექცევა პრაქტიკული უნარ-ჩვევების შეძენას, რაშიც სტუდენტებს ხელს უწყობს თანამედროვე დონეზე აღჭურვილი კლინიკური უნარ-ჩვევების

ცენტრი. აქ ექიმისთვის აუცილებელი ყველა კომპეტენცია სწავლების პირველი დღეებიდანვე ყალიბდება.

ფაკულტეტის სამეცნიერო საქმიანობაში მნიშვნელოვანი როლი შეასრულა უნივერსიტეტთან ვლ. ბახუტაშვილის სახელობის სამედიცინო ბიოტექნოლოგიის ინსტიტუტის შემოერთებამ. მეცნიერები აქტიურად ჩაერთნენ სტუდენტთა სწავლების პროცესში, სტუდენტებს კი სამეცნიერო პროექტების განხორციელების მეტი შესაძლებლობა მიეცათ. საქართველოს მეცნიერებათა ეროვნულმა აკადემიამ სამედიცინო ბიოტექნოლოგიის ინსტიტუტი ორჯერ აღიარა როგორც წლის საუკეთესო სამეცნიერო-კვლევითი დაწესებულება მედიცინის დარგში.

მედიცინის ფაკულტეტზე დაინერგა სტუდენტის ცოდნის შეფასების თანამედროვე, ობიექტური მეთოდები. უნივერსიტეტში ფუნქციონირებს სრულად კომპიუტერიზებული საგამოცდო ცენტრი. დაიხვეწა და დიდი ყურადღება ეთმობა მომავალი ექიმის უნარ-ჩვევების შეფასებას. 2008-2009 სასწავლო წლიდან ფაკულტეტზე ხორციელდება ობიექტურად სტრუქტურირებული კლინიკური გამოცდა (OSCE) პროპედევტიკაში, მეანობა-გინეკოლოგიაში, პედიატრიაში და შინაგან მედიცინაში, ხოლო 2021-2022 სასწავლო წლიდან OSCE ტიპის გამოცდა დაინერგა მე-6 სემესტრის რამდენიმე მოდულში. ამ ტიპის გამოცდა, სტუდენტის სხვა კლინიკური უნარების შეფასებასთან ერთად, მისი კომპიუტერული უნარებისა და მიღებული ცოდნის გადაცემის უნარის შეფასებასაც მოიცავს.

სამედიცინო განათლების თანამედროვე სტანდარტების დანერგვაში ფაკულტეტს დიდად შეუწყო ხელი უნივერსიტეტის საერთაშორისო ურთიერთობებმა და პროექტებმა, რომლებიც ხორციელდება პარტნიორ უნივერსიტეტებთან ერთად. აღსანიშნავია, რომ პროგრამის განხორციელებაში ჩართული არიან უცხოელი პროფესორები. ფაკულტეტის მიზანია, მომავალი ექიმების სწავლება ეფუძნებოდეს მეცნიერებას, სწავლების სტრატეგიად კი არჩეულია ინტეგრირებული პროგრამა.

მედიცინის ფაკულტეტზე სწავლის პერიოდში სტუდენტს საშუალება აქვს, გაიაროს სტაჟირება თბილისის სახელმწიფო სამედიცინო უნივერსიტეტისა და მსოფლიოს სხვადასხვა სამედიცინო სკოლის კლინიკაში.

უკანასკნელ წლებში ფაკულტეტის საქმიანობაში აქტიურ მონაწილეობას იღებენ ევროპის, ამერიკის და სხვა ქვეყნების სამედიცინო სკოლების პროფესორები. ისინი კითხულობენ ლექციებს სტუდენტებისა და რეზიდენტებისთვის, ატარებენ სამედიცინო კონსულტაციებს, ოპერაციებს, თსსუ-ის პროფესორებთან ერთად ახორციელებენ სამეცნიერო პროექტებს.

დიპლომირებული მედიკოსის საგანმანათლებლო პროგრამა

მისაღები კონტინგენტი – 200

საგამოცდო საგანი	მიზნალური კოეფიციენტი	კოეფიციენტი	პაპანასტური ადგილი საგნის მიხედვით
ქართული ენა და ლიტერატურა	75%+1	2	
უცხოური ენა	80%+1	2	
ბიოლოგია	75%+1	4	
ფიზიკა	75%+1	4	80
ფიზიკა	75%+1	4	60
მათემატიკა	75%+1	4	60



დიპლომირებული მედიკოსის აგრეგირებული პროგრამა

თსსუ-ის დიპლომირებული მედიკოსის ამერიკული პროგრამა - საერთაშორისო წარმატებისა და კარიერული წინსვლის საწინდარია თბილისის სახელმწიფო სამედიცინო უნივერსიტეტის (თსსუ) მედიცინის ფაკულტეტის დიპლომირებული მედიკოსის ამერიკული პროგრამა 2013 წლიდან წარმატებით ფუნქციონირებს. იგი ხელს უწყობს ქართველი და საერთაშორისო სტუდენტების სამედიცინო განათლებას, რაც საერთაშორისო პარტნიორობისა და ემორის უნივერსიტეტთან მრავალწლიანი თანამშრომლობის შედეგია.

პროგრამის უპირატესობები:

- **საერთაშორისო სტანდარტები:** პროგრამა შეესაბამება სამედიცინო განათლების მსოფლიო ფედერაციისა და საქართველოს ძირითად მოთხოვნებს.
- **ინგლისურენოვანი სწავლება:** სწავლება მიმდინარეობს ინგლისურ ენაზე, რაც კურსდამთავრებულებს საერთაშორისო ასპარეზზე კონკურენტუნარიანს ხდის.



დიპლომირებული მედიკოსის აგრეგირებული პროგრამა

მისაღები კონტინგენტი – 20

საგამოცდო საგანი	მიზნალური კოეფიციენტი	კოეფიციენტი	პაპანასტური ადგილი საგნის მიხედვით
ქართული ენა და ლიტერატურა	75%+1	2	
უცხოური ენა	85%+1	2	
ბიოლოგია	75%+1	4	
ფიზიკა	75%+1	4	8
ფიზიკა	75%+1	4	6
მათემატიკა	75%+1	4	6

• USMLE-ისთვის მზადება:

პროგრამა ეფუძნება ემორის მედიცინის სკოლის მოდერნიზებულ სასწავლო გეგმას, რაც სტუდენტებს შესაძლებლობას აძლევს, სწავლის პროცესშივე ჩააბარონ აშშ სამედიცინო ლიცენზირების გამოცდის ორი საფეხური დამატებითი დროისა და ძალისხმევით გარეშე.

• **კლინიკური სწავლება აშშ-ში:** სტუდენტებს ეძლევათ შესაძლებლობა, ემორის უნივერსიტეტის მედიცინის სკოლაში გაიარონ კლინიკური როტაციების გარკვეული ნაწილი.

• **კარიერული წინსვლა:** პროგრამა უზრუნველყოფს კარიერული განვითარების მხარდაჭერას, რაც მოიცავს საჭირო ინფორმაციის გაზიარებას, ასევე რეზიდენტურისთვის აუცილებელი დოკუმენტებისა და გასაუბრების პროცესისთვის მომზადებას. ამ მიმართულებით საჭიროების შემთხვევაში ინდივიდუალურ დახმარებას თითოეულ სტუდენტს პროგრამის პარტნიორები უწევენ აშშ-დან.

• **სასწავლო კურსი „გახდი ექიმი“ (Becoming a Doctor/BAD):** კურსი სწავლების პირველივე სემესტრიდან აძლიერებს კლინიკურ უნარებსა და პროფესიულ ეთიკას, რაც ექიმობის გზაზე სტუდენტებს წარმატებით ნავიგაციაში ეხმარება.

• **მცირე ჯგუფის კოორდინატორი:** 10-12 სტუდენტისგან დაკომპლექტებულ თითოეულ ჯგუფს ჰყავს მენტორი, რომელიც აკადემიურ და კარიერულ საკითხებში სტუდენტებს ინდივიდუალურ დახმარებას უწევს.

• **კურსდამთავრებულთა წარმატება აშშ-ის რეზიდენტურაში:** კურსდამთავრებულთა ის ნაწილი, ვისაც ამერიკის შერჩეულ შტატებში სურს რეზიდენტურაში სწავლის გაგრძელება, წარმატებით ირიცხება სხვადასხვა პრესტიჟულ სარეზიდენტო პროგრამაზე. 2019 წლიდან დღემდე აშშ-ის რეზიდენტურაში წარმატებით ჩაირიცხა 53 კურსდამთავრებული, მათ შორის წელს - 15.

• **თეთრი ხალხების ცერემონია და გამოსაშვები ღონისძიება:** პროგრამის ტრადიცია, რომელიც სტუდენტების პირველი და ბოლო დღეების განსაკუთრებულად აღნიშვნას ითვალისწინებს.

ქართველ სტუდენტებთან ერთად, პროგრამაზე სამედიცინო ცოდნას მსოფლიოს 25-ზე მეტი ქვეყნიდან ჩამოსული საერთაშორისო სტუდენტებიც ეუფლებიან, მათ შორის არიან სტუდენტები აშშ-დან, კანადიდან, დიდი ბრიტანეთიდან და სხვა ქვეყნებიდან. დღეისთვის პროგრამაზე 388 აქტიური სტუდენტი ირიცხება.

საგანმანათლებლო პროგრამაზე დაშვების წინაპირობები: ყოველწლიურად ერთიანი ეროვნული გამოცდებით პროგრამაზე 20 სტუდენტი მიიღება.

საგამოცდო საგნების, მინიმალური კომპეტენციის ზღვრების, პრიორიტეტებისა და ადგილების დეტალური განაწილების შესახებ ინფორმაცია იხილეთ ცხრილში.

სტომატოლოგიის ფაკულტეტი



თბილისის სახელმწიფო სამედიცინო უნივერსიტეტის სტომატოლოგიის ფაკულტეტი მაღალკვალიფიციურ აკადემიურ და საექიმო კადრებს ზრდის. ამის უტყუარი დასტურია ფაკულტეტის პროფესორის მაღალი პროფესიული და სამეცნიერო რეპუტაცია, ჩვენი კურსდამთავრებულების მაღალი რეიტინგი, პოტენციური დამსაქმებლების დიდი პროფესიული ინტერესი და ნდობა მათდამი.

უნივერსიტეტის დასრულების შემდეგ კურსდამთავრებული ფლობს საფუძვლიან თეორიულ ცოდნასა და პრაქტიკულ უნარ-ჩვევებს, მას გააჩნია დამოუკიდებ-

ლი საექიმო აზროვნების უნარი. ამ მიზნის განსახორციელებლად ინტენსიური პრაქტიკა ეფუძნება ღრმა თეორიულ ცოდნას, რაც მიიღწევა, ერთი მხრივ, ლექციებისა და სემინარების დახმარებით, ხოლო, მეორე მხრივ, პრაქტიკული მეცადინეობის დროს საფანტომო კურსის დახვეწით და პედაგოგის მიერ პაციენტის სტუდენტისათვის არა მარტო დემონსტრირებით (რაც, თავისთავად, ღირებულია), არამედ დიაგნოსტიკისა და მკურნალობის პროცესში სტუდენტის მაქსიმალურად ჩართვის ფორმით, ცხადია, იმ ფორმატით, რის უფლებასაც შესაბამისი კანონმდებლობა იძლევა.

დიპლომირებული სტომატოლოგის ერთსაფეხურიანი პროგრამა

მისაღები კონტინგენტი –110

საგამოცდო საგანი	მიწიმაღალი კოეფიციენტი	კოეფიციენტი	ვაკანსიური ადგილი საგნის მიხედვით
ქართული ენა და ლიტერატურა	65%+1	2	
უცხოური ენა	70%+1	2	
ბიოლოგია	65%+1	4	
ქიმია	65%+1	4	44
ფიზიკა	55%+1	4	33
მათემატიკა	55%+1	4	33

უნივერსიტეტის ფაკულტეტის დისციპლინების სწავლება. თსუ-ს აქვს თანამედროვე ტექნოლოგიებით აღჭურვილი 5 საუნივერსიტეტო და ასეულზე მეტი ავთორიზებული კლინიკა. ამასთან ერთად, აბოლონ ურუშაძის სახელობის საუნი-

ვერსიტეტო სტომატოლოგიურ კლინიკაში არსებობს კლინიკური უნარ-ჩვევების ცენტრი, სადაც სტუდენტებს საშუალება აქვთ, ფანტომებზე ათვისონ ესა თუ ის კლინიკური მანიპულაცია თუ ჩარევა.

თსუ-ის სტუდენტები და პროფესორები აქტიურად არიან ჩართულნი გაცვლით პროგრამებში. გაცვლით პროგრამებში ჩართული სტუდენტებისთვის უნივერსიტეტში მოქმედებს ინდივიდუალური სასწავლო გეგმა, რაც აუცილებელია სხვა სამედიცინო სკოლაში გავლილი სასწავლო პროგრამის აღიარებისათვის. სტუდენტები მონაწილეობენ ზამთრის და ზაფხულის სტაჟირების პროგრამებში საქართველოს სხვადასხვა კლინიკაში.

ჩვენი მიზანია, თბილისის სახელმწიფო სამედიცინო უნივერსიტეტის სტომატოლოგიის ფაკულტეტის კურსდამთავრებული იყოს ღირსეული მოქალაქე, კონკურენტუნარიანი, მუდამ ახლის ძიებასა და განვითარებაზე ორიენტირებული, საფუძვლიანი ცოდნით აღჭურვილი და ემპათიით გამსჭვალული სპეციალისტი, რომელიც სრულყოფილად ფლობს პრაქტიკულ უნარ-ჩვევებს სტომატოლოგიაში; ეს ყოველივე კი, საექიმო საქმიანობაში მისი წარმატების საწინდარია.

ფარმაცია

ფარმაცია დინამიური და სწრაფად განვითარებადი დარგია. ფარმაცევტული მრეწველობისა და მეცნიერების განვითარების დონე მნიშვნელოვანწილად განაპირობებს ნებისმიერი ქვეყნის ეკონომიკურ წინსვლას და მოსახლეობის კეთილდღეობას.

ფარმაცევტული საქმიანობა პაციენტზეა ორიენტირებული. მისი მთავარი მიზანია მოსახლეობის უზრუნველყოფა ეფექტიანი, უსაფრთხო, ხარისხიანი და ხელმისაწვდომი სამკურნალო საშუალებებით. ფარმაციის ძირითადი პროდუქტი წამალია, რომლის შემუშავებას, შესწავლას, წარმოებას, სტანდარტიზაციას, ხარისხის კონტროლს, რეალიზაციას და მომხმარებლისთვის კვალიფიციური დახმარების აღმოჩენას

ძირითადად ახორციელებს ამ დარგის სპეციალისტი – ფარმაცევტი.

ფარმაციის ფაკულტეტის ძირითადი ამოცანებია: პრაქტიკული ხასიათის საქმიანობაზე ორიენტირებული უმაღლესი აკადემიური განათლების მქონე პირების – ბაკალავრების მომზადება; სამეცნიერო კვლევაზე და პრაქტიკულ საქმიანობაზე ორიენტირებული უმაღლესი აკადემიური განათლების მქონე პირების – მაგისტრებისა და დოქტორების მომზადება.

ფაკულტეტის საქმიანობის ძირითადი მიმართულებებია: საბაკალავრო, სამაგისტრო და სადოქტორო აკადემიური პროგრამების განხორციელება; სამეცნიერო-კვლევითი სამუშაოების შესრულება; სხვა სახის საგანმანათლებლო საქმიანობის წარმართვა.

დაცულია ბალანსი საბაზისო, სოციალურ, ფარმაცევტულ და სამედიცინო დისციპლინებს შორის, განსაკუთრებული ყურადღება ექცევა პრაქტიკული უნარ-ჩვევების ათვისებას, ანუ სათანადო ფარმაცევტულ პრაქტიკას.

სწავლების პირველი საფეხურის დასრულების შემდეგ სტუდენტი ახერხებს ფარმაციის ინტეგრირებული მოდულის გამოცდას და ენიჭება ფარმაციის ბაკალავრის აკადემიური ხარისხი. საბაკალავრო პროგრამის კურსდამთავრებულს შეუძლია იმუშაოს პრაქტიკულ ფარმაციაში ან სწავლა გააგრძელოს მაგისტრატურაში. მაგისტრატურის დასრულების შემდეგ კურსდამთავრებულს ენიჭება ფარმაციის მაგისტრის აკადემიური ხარისხი პროგრამის შესაბამისად, შეუძლია იმუშაოს პრაქტიკულ ან სამეცნიერო-კვლევით სფეროში ან სწავლა გააგრძელოს დოქტორანტურაში. დოქტორანტურის დასრულების შემდეგ კურსდამთავრებულს ენიჭება ფარმაციის დოქტორის სამეცნიერო ხარისხი და შეუძლია, აგრეთვე, უმაღლესი საგანმანათლებლო საქმიანობის განხორციელება.

ურთიერთთანამშრომლობის მემორანდუმის ფარგლებში, ფარმაციის ფაკულტეტის სტუდენტები გადიან სასწავლო და საწარმოო პრაქტიკას თსუ-ის იოველ ქუთათელაძის ფარმაკოქიმიის ინსტიტუტში, ფარმაცევტულ საწარმოებში, აფთიაქებში, წამლის ხარისხის უზრუნველყოფის და წამლის ხარისხის კონტროლის ლაბორატორიებში, სასამართლო ექსპერტიზის ბიუროში, სამედიცინო და ფარმაცევტული საქმიანობის რეგულირების სააგენტოში, კლინიკებსა და კლინიკის აფთიაქებში. ფაკულტეტზე მოქმედებს სამეცნიერო-კვლევითი და პრაქტიკული უნარ-ჩვევების ლაბორატორია. ფაკულტეტი უზრუნველყოფილია მაღალკვალიფიციური აკადემიური პერსონალით და მუდმივად განახლებადი მატერიალურ-ტექნიკური ბაზით.

ფარმაციის ფაკულტეტი აქტიურად თანამშრომლობს უცხოეთის უნივერსიტეტებთან: ლიეჟის უნივერსიტეტი (ბელგია); ლუბლინის სამედიცინო უნივერსიტეტი (პოლონეთი); კვებეკის შიკტიმის უნივერსიტეტი (კანადა); მარსელის ხმელთაშუა ზღვის უნივერსიტეტი (საფრანგეთი); ტულუზის პოლ საბატიეს უნივერსიტეტი (საფრანგეთი); ლუბლიანის უნივერსიტეტი (სლოვენია); სანტიაგო დე კომპოსტელას უნივერსიტეტი (ესპანეთი); დიჯლეს უნივერსიტეტი (თურქეთი).

ფაკულტეტზე ხორციელდება ოთხი სამაგისტრო პროგრამა: ფარმაცევტული და კოსმეტოლოგიური ტექნოლოგიები; ფარმაცევტული ანალიზი; ფარმაციის მენეჯმენტი; კლინიკური ფარმაცია.

ფარმაციის ფაკულტეტზე მოქმედებს სადოქტორო პროგრამა, რომლის ფარგლებში წარმატებით ხორციელდება მედიცინასა და ფარმაციაში ახალი გამოწვევების შესაბამისი სადოქტორო კვლევის პროექტები.

სახელმწიფო სტიპენდიისა და უნივერსიტეტის სტიპენდიის გარდა, აკადემიური პროგრამების წარმატებული სტუდენტებისთვის გათვალისწინებულია სასტიპენდიო პროგრამები და სახელობითი სტიპენდიები.



ფარმაციის ფაკულტეტის აკადემიური საგანმანათლებლო პროგრამებია:

საბაკალავრო (სწავლების ვადა – 4 წელი)
სამაგისტრო (სწავლების ვადა – 2 წელი)
სადოქტორო (სწავლების ვადა – 3 წელი)
საბაკალავრო საგანმანათლებლო პროგრამას ფარმაციის ფაკულტეტი ახორციელებს ქართულ და ინგლისურ ენებზე. საბაკალავრო განათლება ფარმაციაში ეფუძნება მრავალპროფილიან სწავლებას. მისი მიზანია სტუდენტისთვის საერთაშორისო სტანდარტების შესაბამისი ცოდნისა და პრაქტიკული უნარ-ჩვევების გამომუშავება. პროგრამაში

ფარმაციის საბაკალავრო პროგრამა

მისაღები კონტინგენტი –150

საგამოცდო საგანი	მიწიმაღალი კოეფიციენტი	კოეფიციენტი	ვაკანსიური ადგილი საგნის მიხედვით
ქართული ენა და ლიტერატურა	25%+1	2	
უცხოური ენა	20%+1	2	
ბიოლოგია	25%+1	4	
ქიმია	25%+1	4	60
ფიზიკა	25%+1	4	45
მათემატიკა	20%+1	4	45

მედიცინისა და სტომატოლოგიის საერთაშორისო ფაკულტეტი



თსუ-ის კურსდამთავრებულები კი სათანადოდ პასუხობენ თანამედროვე მოთხოვნებს. 2018 წელს, პირველად საქართველოს მასშტაბით, თბილისის სახელმწიფო სამედიცინო უნივერსიტეტში შეიქმნა ახალი ფაკულტეტი – მედიცინის საერთაშორისო ფაკულტეტი, რომელიც ერთ წელიწადში მედიცინისა და სტომატოლოგიის საერთაშორისო ფაკულტეტად გადაკეთდა.

მედიცინისა და სტომატოლოგიის საერთაშორისო ფაკულტეტის მიზანი, ამოცანები და საქმიანობის ძირითადი მიმართულებები ორიენტირებულია მაქსიმალურ შედეგზე – საერთაშორისოდ კონკურენტუნარიანი კადრების აღზრდაზე. მაღალკვალიფიციური სპეციალისტების მომზადება; სასწავლო და სამეცნიერო-კვლევითი მიმართულებების, პროგრამების

და გეგმების შემუშავება და განხორციელება; ფაკულტეტის საგანმანათლებლო პროგრამების განხორციელება სამეცნიერო კვლევის თანამედროვე მეთოდების ათვისებითა და შესაბამისი უნარ-ჩვევების გამომუშავებით; ფუნდამენტური, პრეკლინიკური და კლინიკური დეპარტამენტების სასწავლო, სამეცნიერო-კვლევითი და პრაქტიკული მუშაობის კოორდინაცია; ევროპული კრედიტების ტრანსფერისა და დაგროვების სისტემის (ECTS) შესაბამისი შინაარსის, ორიენტაციისა და სტრუქტურის პროგრამებისა და კურიკულუმების შემუშავება, დანერგვა და განვითარება; საერთაშორისო სასწავლო და სამეცნიერო-კვლევით ცენტრებთან კოოპერაცია და ერთობლივი სამეცნიერო-კვლევითი პროექტების განხორციელება – ეს ყველაფერი განაპირობებს მაღალ შედეგს... ამისი ლოგი-

კური გაგრძელებაა, რომ ყველა სტანდარტში უმაღლესი შეფასებით, საერთაშორისო აკრედიტაცია მიენიჭა თბილისის სახელმწიფო სამედიცინო უნივერსიტეტის დიპლომირებული მედიკოსის ოთხივე საგანმანათლებლო პროგრამას: დიპლომირებული მედიკოსის ქართულ, ინგლისურ, რუსულენოვან პროგრამებს და დიპლომირებული მედიკოსის ამერიკულ პროგრამას. სამედიცინო განათლების მსოფლიო ფედერაციის (WFME) და უცხოეთში მედიცინის პროგრამების კურსდამთავრებულთა საგანმანათლებლო კომისიის (ECFMC- Educational Commission For Foreign Medical Graduates) ერთობლივი გადამწყვეტილებით, 2024 წლიდან, ევროატლანტიკურ სივრცეში აღიარებული იქნება დიპლომირებული მედიკოსის მხოლოდ ის პროგრამები, რომელთაც ექნებათ საერთაშორისო აკრედიტაცია.



საზოგადოებრივი ჯანდაცვის ფაქტები

თბილისის სახელმწიფო სამედიცინო უნივერსიტეტის საზოგადოებრივი ჯანდაცვის ფაკულტეტი ახორციელებს ფართო პროფილის სპეციალისტთა მომზადებას საერთაშორისო სტანდარტებისა და ქვეყნის პრიორიტეტების გათვალისწინებით.

საზოგადოებრივი ჯანდაცვის ფაკულტეტზე მოქმედებს სამივე საფეხურის უმაღლესი საგანმანათლებლო პროგრამები: ორი საბაკალავრო, ოთხი სამაგისტრო და სადოქტორო. ფაკულტეტის დეპარტამენტები ჩართულია ყველა საფეხურის პროგრამების განხორციელებაში და სპეციალისტთა გადამზადებაში დიპლომის შემდგომი განათლების ფორმატით. ფაკულტეტს აქვს



❖ საზოგადოებრივი ჯანდაცვის საბაკალავრო პროგრამა
❖ საზოგადოებრივი ჯანდაცვისა და მენეჯმენტის საბაკალავრო პროგრამა (ქართულ-ფრანგული დიპლომით)

მისაღები კონტინგენტი – 110

მისაღები კონტინგენტი – 40

საერთაშორისო კონტაქტი და ახორციელებს რამდენიმე საერთაშორისო სამეცნიერო პროექტს. ფაკულტეტი დაკომპლექტებულია კვალიფიკაციური და ცნობილი მეცნიერებითა და პროფესორ-მასწავლებლებით, რომელთაც აქვთ მრავალწლიანი პედაგოგიური სდა სამეცნიერო გამოცდილება.

საზოგადოებრივი ჯანდაცვის ფაკულტეტზე ხორციელდება ორი საბაკალავრო პროგრამა: „საზოგადოებრივი ჯანდაცვა“ და „საზოგადოებრივი ჯანდაცვა და მენეჯმენტი“. (საბაკალავრო პროგრამებზე სწავლის ხანგრძლივობა 4 წელია). 4 სამაგისტრო პროგრამა – საზოგადოებრივი ჯანდაცვა; გარემოს მედიცინა; ეპიდემიოლოგია; ჯანმრთელობის ხელშეწყობა, ჯანმრთელობითი განათლება. სწავლის ხანგრძლივობა 2 წელი.

„საზოგადოებრივი ჯანდაცვის“ ბაკალავრის საგანმანათლებლო პროგრამის მიზანია, თსუ-ის დეკლარირებული მისიისა და ქვეყნის/საზოგადოების ჯანმრთელობის დაცვის მოთხოვნათა შესაბამისად, მომზადდეს სათანადო კომპეტენციის მქონე სპეციალისტი, რომელსაც ექნება საზოგადოებრივი ჯანდაცვისა და პროფილაქტიკური მედიცინის სფეროში მუშაობის, შემდგომი პროფესიული ზრდისა და აკადემიური განათლების გაგრძელების შესაძლებლობა. საგანმანათლებლო

საბამოცდო საბანი	მინიმალური კომპეტენციის ზღვარი	კოეფიციენტი	ვაკანსური ადგილი საზნის მიხედვით
ქართული ენა და ლიტერატურა	40%+1	2	
უცხოური ენა	40%+1	2	
ბიოლოგია	40%+1	4	
ქიმია	40%+1	4	39/14
ფიზიკა	40%+1	4	33/12
მათემატიკა	40%+1	4	38/14

პროგრამის წარმატებით დასრულება უზრუნველყოფს კურსდამთავრებულთა ცოდნის ვალიდურობას, კომპეტენციის ფარგლებში მათ კონკურენტუნარიანობას დასაქმების ბაზარზე და მზაობას დიპლომის შემდგომი განათლების გაგრძელებისთვის. პროგრამის მოცულობა 240 კრედიტია.

„საზოგადოებრივი ჯანდაცვისა და მენეჯმენტის“ საბაკალავრო პროგრამა ხორციელდება ფრანგულ მხარესთან – მენეჯმენტისა და ალსრულების აკადემიასთან (UniMan): პროგრამის ძირითადი საკითხებია:

✓ ჯანდაცვის მენეჯმენტი, სამედიცინო მომსახურების მონიტორინგი და ეკონომიკური ეფექტურობის შეფასება;
✓ ადმინისტრაციული, მენეჯერული, კომერციული საქმიანობის ორგანიზება და შეფასება;

✓ მოსახლეობის სამედიცინო დახმარების ორგანიზება და მართვა;

✓ ჯანმრთელობის დაცვის სისტემაში სამედიცინო დანესხებულების მუშაობის დაგეგმვა და მონიტორინგი;

✓ მართვის თანამედროვე პრინციპები ჰოსპიტალურ სექტორში.

ჯანდაცვის მართვის საკითხებთან დაკავშირებული დისციპლინებისა და ფრანგული ენის სასწავლო კურსის სწავლებაში მონაწილეობენ საფრანგეთის მენეჯმენტისა და ალსრულების აკადემიის პროფესორები. სწავლება ენა ქართულზე. ამასთან, პროგრამის ფარგლებში ხორციელდება ფრანგული ენის სწავლება. პროგრამის დასრულება შემდეგ გაცემას ორი დიპლომი, აღიარებული

როგორც საქართველოს, ასევე, საფრანგეთის მიერ. კურსდამთავრებულს ექნება ცოდნის რეალიზების შესაძლებლობა საქართველოში, საფრანგეთსა და ევროპის ქვეყნებში, რაც იძლევა მიღებული ცოდნის გამოყენებისა და დასაქმების, ასევე, ევროპული განათლების მიღების შესაძლებლობას. პროგრამის მოცულობაა 240 კრედიტი.

საბაკალავრო პროგრამების დასრულების შემდეგ კურსდამთავრებულს ენიჭება საზოგადოებრივი ჯანდაცვის ბაკალავრის აკადემიური ხარისხი, და, ასევე, იღებს მეორე დიპლომს, რომელსაც გასცემს ფრანგული მხარე, რაც უფლებას აძლევს სწავლა განაგრძოს როგორც თსუ-ში, ასევე, საფრანგეთში მოქმედ სამაგისტრო პროგრამებზე.

სამაგისტრო პროგრამის დასრულების შემდეგ კურსდამთავრებულს ენიჭება მაგისტრის აკადემიური ხარისხი შესაბამის მიმართულებაში.

მაგისტრს უფლება აქვს, სწავლა განაგრძოს დოქტორანტურაში; მისი წარმატებით დასრულების და დოქტორის აკადემიური ხარისხის მოპოვების შემდეგ, პროფილური პრაქტიკული საქმიანობის გარდა, შესაძლებელია აკადემიურ და კვლევით აქტიუობაში ჩართვა.

საზოგადოებრივი ჯანდაცვის ფაკულტეტზე აქტიურად მიმდინარეობს სამედიცინო-კვლევითი საქმიანობა ჯანდაცვის მენეჯმენტის, პოლიტიკისა და ეკონომიკის, კვებისა და ასაკობრივი მედიცინის, გარემოსა და პროფესიული ჯანმრთელობის; ჰიგიენის, სამედიცინო ეკოლოგიისა და ჯანმრთელობის ხელშეწყობის; ეპიდემიოლოგიის მიმართულებით. ფაკულტეტს აქვს საერთაშორისო კონტაქტები საფრანგეთის, ხორვატიის, გერმანიის, ესპანეთის, სომხეთის, აზერბაიჯანის, ბულგარეთის, თურქეთის, რუმინეთის, პოლონეთის, ისრაელის, უნგრეთის, ამერიკის, ბალტიკისპირეთის ქვეყნების უნივერსიტეტებთან და საზოგადოებრივი ჯანდაცვის სკოლებთან. ხორციელდება სტუდენტებისა და პედაგოგების სტაჟირება ევროპის სხვადასხვა უნივერსიტეტში.



ფიზიკური მედიცინის და რეაბილიტაციის ფაქტები

თანამედროვე მედიცინის წარმატება შეუძლებელია სრულყოფილი სამედიცინო რეაბილიტაციის სამსახურის გარეშე, ვინაიდან კვალიფიკაციური სამედიცინო სერვისის მიწოდება ითვალისწინებს არა მხოლოდ დაავადების მკურნალობას, არამედ პაციენტის ფუნქციური მდგომარეობის ოპტიმალურ ფარგლებში აღდგენას და ცხოვრების ხა-

რისხის გაუმჯობესებას, რაც ფიზიკური რეაბილიტაციის მთავარი ამოცანაა.

დღეს საქართველოში, ისე როგორც მთელ მსოფლიოში, მზარდია ინტერესი სამედიცინო რეაბილიტაციის მიმართ, რაც განპირობებულია ჯანდაცვის სფეროში არსებული საჭიროებებით, დემოგრაფიული ცვლილებებით, ტექნოლოგიური მიღწევებით. შესაბამისად, მზარდია მოთხოვნილება თანამედროვე ცოდნითა და პრაქტიკული უნარ-ჩვევებით აღჭურვილ პროფესიონალებზე ფიზიკურ მედიცინასა და რეაბილიტაციაში.

თბილისის სახელმწიფო სამედიცინო უნივერსიტეტის ფიზიკური მედიცინის და რეაბილიტაციის ფაკულტეტის მთავარი ამოცანაა, მოამზადოს კომპეტენტური და კონკურენტუნარიანი რეაბილიტოლოგები. ფაკულტეტზე მოქმედებს ევროპული სტანდარტების თანამედროვე საბაკალავრო პროგრამა, რომლის ხანგრძლივობა ოთხი წელია.

სტუდენტები მომავალ პროფესიას ეუფლებიან უნივერსიტეტის სხვადასხვა თეორიულ თუ კლინიკურ დეპარტამენტში, საუნივერსიტეტო და უნივერსიტეტთან აფილირებულ კლინიკებში. პროფესიული უნარებისა და ლირებულებების ჩამოყალიბებას ემსახურება ფაკულტეტის კლინიკური ბაზა, რომელიც მუდმივად ვითარდება და ძლიერდება, მათ შორის აღსანიშნავია კენ ვოლკერის სახელობის სამედიცინო რეაბილიტაციის საუნივერსიტეტო კლინიკა, რომელიც ტექნიკური აღჭურვილობით, ინფრასტრუქტურული თუ ადამიანური რესურსით, სრულიად უნიკალური და მონიანეა საქართველოში.

პროგრამის დასრულების შემდგომ კურსდამთავრებულს ენიჭება ბაკალავრის ხარისხი ფიზიკურ მედიცინასა და რეაბილიტაციაში და ეძლევა პროფესიული საქმიანობის საშუალება. ფიზიკური მედიცინისა და რეაბილიტაციის ბაკალავრის დასაქმების არეალი ფართოა და შეიძლება დასაქმდეს სარეაბილიტაციო კლინიკაში, მულტიპროფილური კლინიკის რეაბილიტაციის განყოფილებაში, სარეაბილიტაციო ცენტრში, პირველადი ჯანდაცვის დანესხებულე-ბებში, სპორტული გუნდის სამედიცინო სამსახურში და სხვ.

დიპლომის შემდგომი განათლების ორწლიანი ეტაპი ემსახურება მაგისტრის ხარისხის მქონე სპეციალისტთა მომზადებას რეაბილიტაციის კონკრეტულ მიმართულებებში. ფაკულტეტზე მოქმედებს ოთხი სამაგისტრო პროგრამა: „პედაგოგიური რეაბილიტაცია“, „რეაბილიტაციაში მრჩეველი“, „რეაბილიტაცია სპორტში“ და „ბიოსამედიცინო ინჟინერია“.

ფაკულტეტის კურსდამთავრებულები გამოირჩევიან მაღალი ხარისხის პროფესიული კომპეტენციით და კონკურენტუნარიანობით, რაზეც მეტყველებს დასაქმების მაჩვენებელი, რომელიც 90%-ს აღემატება.

ფაკულტეტს გააჩნია მჭიდრო კავშირი ევროპის და აშშ-ის უნივერსიტეტებთან. განსაკუთრებით მნიშვნელოვანია ფაკულტეტის საგანმანათლებლო პროგრამების განვითარებაში ევროპის უნივერსიტეტის (ატლანტა, აშშ) სამედიცინო სკოლის ფიზიკური თერაპიის პროგრამასთან მრავალწლიანი თანამშრომლობა.

ფაკულტეტის სტუდენტები ჩართულნი არიან სტუდენტურ-სამედიცინო პროექტებში, მრავალფეროვან სასწავლო, სამედიცინო, კულტურულ, სპორტულ და საქველმოქმედო ღონისძიებებში. მნიშვნელოვანია ფაკულტეტის სტუდენტთა მზარდი ჩართულობა საერთაშორისო გაცვლით პროგრამებში, ERASMUS+-ის პროექტის ფარგლებში, საერთაშორისო და ფაკულტეტის კლინიკური დეპარტამენტების მიერ შეთავაზებულ სტაჟირებებში.



ფიზიკური მედიცინისა და რეაბილიტაციის საბაკალავრო პროგრამა

მისაღები კონტინგენტი – 80

საბამოცდო საბანი	მინიმალური კომპეტენციის ზღვარი	კოეფიციენტი	ვაკანსური ადგილი საზნის მიხედვით
ქართული ენა და ლიტერატურა	45%+1	3	
უცხოური ენა	45%+1	3	
ბიოლოგია	45%+1	3	
ქიმია	40%+1	3	32
ფიზიკა	40%+1	3	24
მათემატიკა	40%+1	3	24



საერთო საქმის საბაკალავრო ქართულ-ავსტრიული პროგრამა და სამედიცინო საქმის საბაკალავრო პროგრამა



ჯანდაცვის სისტემის განვითარების თანამედროვე ტემპმა და ტენდენციებმა რადიკალურად შეცვალა ექთნის როლის, კომპეტენციისა და პასუხისმგებლობის ტრადიციული ხედვა. საექთნო განათლების წინაშე სრულიად განსხვავებული მოთხოვნები დადგა. სამედიცინო პრობლემების მზარდი კომპლექსურობის პირობებში, წარმატებული პროფესიული საქმიანობისთვის, აუცილებ-

ბელი გახდა მომავალი ექთნის აღჭურვა ცოდნის იმ მოცულობით, რომელიც სცდება საქართველოში არსებულ საექთნო განათლების ტრადიციულ საზღვრებს.

2011-2012 სასწავლო წლიდან, პროფესიული განათლების სფეროში განხორციელებული რეფორმების კვალდაკვალ, ამოქმედდა საერთო საქმის და სამედიცინო საქმის საბაკალავრო პროგრამები, რომელთა მოცულობა შეადგენს 240 ECTS კრედიტს.

სოლო ხანგრძლივობა – 4 აკადემიურ წელს. სამედიცინო საქმის საბაკალავრო პროგრამა შემუშავებულია ნიდერლანდების საგარეო საქმეთა სამინისტროს მიერ (პროგრამა MARTA) ინიცირებული პროექტის – „საქართველოში ბებიაქალთა ცოდნის და უნარების გაუმჯობესება“ – ფარ-

გლებში. პროექტის განხორციელებაში, თბილისის სახელმწიფო სამედიცინო უნივერსიტეტთან ერთად, მონაწილეობა მიიღეს ETC Foundation-მა (ნიდერლანდები), HERA-XXI-მა (საქართველო), ბებიაქალთა საერთაშორისო კონფედერაციამ (ICM, Hague) და როტერდამის ბებიაქალთა უნივერსიტეტმა - Rotterdam University of Midwives (RUM/VAR).

2015-2016 სასწავლო წლიდან, T.G. დასავლეთის საგანმანათლებლო ცენტრსა (ინსბრუკი, ავსტრია) და თბილისის სახელმწიფო სამედიცინო უნივერსიტეტს შორის დადებული ხელშეკრულების საფუძველზე, ხორციელდება მიღება საექთნო საქმის ქართულ-ავსტრიულ საბაკალავრო პროგრამაზე, რომლის შექმნაშიც პარტნიორობა გაგვიანა ტიროლის მხარის კლინიკების გაერთიანებამ.

საექთნო და სამედიცინო საქმის საბაკალავრო პროგრამების კურსდამთავრებულთა მაღალი კომპეტენციისა და კონკურენტუნარიანობაზე მეტყველებს საქართველოს ჯანდაცვის სისტემაში დასაქმების ძალიან მაღალი მაჩვენებელი.

❖ საერთო საქმის საბაკალავრო ქართულ-ავსტრიული პროგრამა
❖ სამედიცინო საქმის საბაკალავრო პროგრამა

მისაღები კონტინგენტი – 30

მისაღები კონტინგენტი – 10

საბამოცდო საბანი	მინიმალური კომპეტენციის ზღვარი	კოეფიციენტი	ვაკანსური ადგილი საზნის მიხედვით
ქართული ენა და ლიტერატურა	25%+1	3	
უცხოური ენა	25%+1	3	
ბიოლოგია	25%+1	3	
ქიმია	25%+1	3	12/4
ფიზიკა	25%+1	3	9/3
მათემატიკა	25%+1	3	9/3

თსუ-ის კლინიკები – სწავლის მაღალი ხარისხისთვის

თბილისის სახელმწიფო სამედიცინო უნივერსიტეტის პირველი საუნივერსიტეტო კლინიკა



თბილისის სახელმწიფო სამედიცინო უნივერსიტეტის ხელმძღვანელობის, აკადემიური და ტექნიკური პერსონალის ძალისხმევით, საქართველოს განათლებისა და მეცნიერების სამინისტროს მნიშვნელოვანი მხარდაჭერით, 2015 წლის 25 მარტს დაარსდა თბილისის სახელმწიფო სამედიცინო უნივერსიტეტის მაღალტექნოლოგიური და მრავალპროფილიანი პირველი საუნივერსიტეტო კლინიკა, რომლის მთავარ პრიორიტეტად განისაზღვრა სტუდენტთა განათლების დონის ამაღლება, მათთვის პრაქტიკული უნარ-ჩვევების სწავლება და კლინიკური გამოცდილების გაზიარება. აქ მზადდება გადის ათასობით საქართველოს მოქალაქე და საერთაშორისო სტუდენტი, ასობით რეზიდენტი. კლინიკა სრულად არის აღჭურვილი სასწავლო მიზნებისთვის. აქ განთავსებულია სხვა-

დასხვა კლინიკური დეპარტამენტი/მიმართულება, რომელთა განკარგულებაშია 5 სალექციო აუდიტორია და 70 სასწავლო ოთახი.

თსუ-ის პირველი საუნივერსიტეტო კლინიკა ორიენტირებულია საერთაშორისოდ აღიარებული მტკიცებით მედიცინის სტანდარტებით მომსახურებაზე.

კლინიკის ბაზაზე განთავსებულია სასწავლო დეპარტამენტები:

ზოგადი თერაპიის დეპარტამენტი; ქირურგიის დეპარტამენტი; უროლოგიის დეპარტამენტი; თვალის სნეულებათა დეპარტამენტი; ყელ-ყურ-ცხვირის სნეულებათა დეპარტამენტი; ანესთეზიოლოგიისა და

რეანიმატოლოგიის დეპარტამენტი; მეანობა-გინეკოლოგიის დეპარტამენტი; ნერვულ სნეულებათა პროპედევტიკისა და ტოპიკური დიაგნოსტიკის დეპარტამენტი; რადიოლოგიის დეპარტამენტი; ტრავმატოლოგიისა და ორთოპედიის დეპარტამენტი; კანისა და ვენერიულ სნეულებათა დეპარტამენტი; ლაბორატორიული საქმის დეპარტამენტი.

კლინიკაში ფუნქციონირებს შემდეგი მიმართულებები:

გადამდებელი მედიცინის, რეანიმაციის, ანესთეზიოლოგიის, ინფექციურ სნეულებათა მიმართულებები; ამბულატორია; რადიოლოგია; კარდიოლოგია; ტრავმატოლოგია; ზოგადი

დი ქირურგია (ონკოლოგია); ოფთალმოლოგია; ოტორინოლარინგოლოგია (ყელ-ყურ-ცხვირი); ნევროლოგია; ყბა-სახის ქირურგია; ნეირო და ენდოვასკულარული ქირურგია; უროლოგია; ენდოკრინოლოგია; პერინატოლოგია (ორსულობა-მშობიარობა); ლაბორატორია; გასტროენტეროლოგია; ტრანსფუზიოლოგია; თერაპია; ახალშობილთა ინტენსიური თერაპია; კანისა და ვენერიულ სნეულებათა მიმართულება; ენდოსკოპია; გული-სა და მაგისტრალურ სისხლძარღვთა კათეტერიზაციის ლაბორატორია; პემატოლოგია; სისხლძარღვთა ქირურგია, ტოქსიკოლოგია.

თსუ-ის გივი შვანიას სახელობის პედიატრიის საუნივერსიტეტო კლინიკა



თბილისის სახელმწიფო სამედიცინო უნივერსიტეტის (თსუ) გივი შვანიას სახელობის პედიატრიის საუნივერსიტეტო კლინიკა მრავალპროფილური ბავშვთა სამედიცინო დაწესებულებაა, აღჭურვილი თანამედროვე სამედიცინო აპარატურით და ტექნოლოგიებით, სადაც სამედიცინო საქმიანობას ეწევა თსუ-ის პროფესორა და უმაღლესი კვალიფიკაციის სხვა სამედიცინო

პერსონალი. კლინიკა პაციენტებს სთავაზობს მაღალი სტანდარტის ამბულატორიულ, სტაციონარულ და სადიაგნოსტიკო სერვისებს.

კლინიკაში ფუნქციონირებს შემდეგი მიმართულებები:

თერაპიული სამსახური, ნეონატოლოგიური სამსახური, ენდოკრინოლოგიური სამსახური, ქირურგიული სამსახური, კრიტიკული მედიცინის და ანესთეზიოლოგიის სამსახური და საოპერაციო ბლოკი, სასწრაფო-გადამდებელი და ამბულატორიული სამსახური, ლაბორატორიული და დიაგნოსტიკური კვლევის სამსახური.

კლინიკის მეორე კორპუსში იგეგმება პალიატიური მოვლის სერვისის მიწოდება.

კლინიკა მუდმივად მონაწილეობს საქველმოქმედო აქციებში; კლინიკის პერსონალი საქართველოს სხვადასხვა კუთხეში ატარებს პრო-

ფილაქტიკურ გასინჯვებსა და დიაგნოსტიკურ კვლევებს.

კლინიკა მჭიდროდ თანამშრომლობს მსოფლიოს წამყვან ბავშვთა სამედიცინო დაწესებულებებთან. თსუ-ის მონვევით უცხოელი ექიმი-სპეციალისტები საქველმოქმედო აქციის ფარგლებში სამედიცინო კონსულტაციებსა და მკურნალობას უტარებენ პაციენტებს. აღსანიშნავია, რომ თსუ-ის გივი შვანიას სახელობის პედიატრიის საუნივერსიტეტო კლინიკაში მრავალი წლის განმავლობაში დროებით საექიმო საქმიანობას ახორციელებდნენ ცნობილი უცხოელი ექიმი-სპეციალისტები. კლინიკის ბავშვთა ქირურგიის დეპარტამენტი მჭიდროდ თანამშრომლობს მსოფლიოს წამყვან სამედიცინო ცენტრებთან და სპეციალისტებთან: პროფესორი რან შტეინბერგი (ბავშვთა ქირურგიის დეპარტამენტი) უფროსი, რუტ რაპაპორტის ბავშვთა

სამედიცინო ცენტრი, ჰაიფა), პროფესორი არკადი ვაჩიანი (ბავშვთა ქირურგია, ლაპაროსკოპიული მიმართულების ხელმძღვანელი, რუტ რაპაპორტის ბავშვთა სამედიცინო ცენტრი, ჰაიფა), პროფესორი ვადიმ კაპულერი (შადასას სამედიცინო ცენტრი, იერუსალიმი), პროფესორი დებორა ლოფი (ჩიკაგოს საუნივერსიტეტო კლინიკა, ბავშვთა ქირურგია, რეზიდენტურის პროგრამის ხელმძღვანელი).

ასეთი კოლაბორაცია მეტად მნიშვნელოვანია კლინიკის სამედიცინო, ლაბორატორიული და სადიაგნოსტიკო სამსახურის განვითარების, სტუდენტთა სწავლების, რეზიდენტთა მზადების და კლინიკის პაციენტების სამედიცინო მომსახურების მაღალ საერთაშორისო სტანდარტებთან პარამონიზებისათვის.

სამედიცინო საქმიანობის პარალელურად, კლინიკაში მიმდინარე-

ობს დიპლომამდელი და დიპლომის შემდგომი საგანმანათლებლო აქტივობები, ინტენსიური სამედიცინო-კვლევითი მუშაობა, მათ შორის – საერთაშორისო კლინიკური და კოლაბორაციული კვლევების ფარგლებში ენდოკრინოლოგიის, ბავშვთა ნევროლოგიის, ბავშვთა ქირურგიის მიმართულებით.

2024 წლის აგვისტოში კლინიკამ წარმატებით გაიარა საერთაშორისო აკრედიტაცია. გერმანულმა აუდიტორულმა კომპანიამ „KTQ - თანამშრომლობა ჯანდაცვის ტრანსპარენტობასა და ხარისხში“, GmbH სტანდარტებთან შესაბამისობისთვის საერთაშორისო სერტიფიკატი მიანიჭა. ეს კი დიდი შრომის, მაღალკვალიფიციური პერსონალისა და გამოცდილების შედეგია, რაც უზრუნველყოფს პაციენტებისთვის მაღალი ხარისხის მომსახურების მიწოდებას.

თბილისის სახელმწიფო სამედიცინო უნივერსიტეტისა და ინგოროყვას მაღალი სამედიცინო ტექნოლოგიების საუნივერსიტეტო კლინიკა



შ.პ.ს. „თბილისის სახელმწიფო სამედიცინო უნივერსიტეტისა და ინგოროყვას მაღალი სამედიცინო ტექნოლოგიების საუნივერსიტეტო კლინიკა“ 2009 წელს დაარსდა პროფესორ გოჩა ინგოროყვას მიერ.

საუნივერსიტეტო კლინიკის დაარსების მიზანი იყო ისეთი კლინიკის შექმნა, სადაც პაციენტები მიიღებდნენ ყველა პროფილის მაღალი ხარისხის სამედიცინო მომ-

სახურებას ერთ სივრცეში.

2020 წლიდან კლინიკა თბილისის სახელმწიფო სამედიცინო უნივერსიტეტის კლინიკათა რიცხვს შეემატა და კიდევ უფრო მეტი დატვირთვით ჩაერთო სტუდენტთა განათლების პროცესში.

კლინიკის სტრატეგია ეფუძნება პრინციპს, რომ ის უნდა იყოს სამედიცინო დაწესებულება, სადაც პრაქტიკული საქმიანობა, მეცნიერების განვითარება და სწავლება ორიენ-

ტირებული იქნება პაციენტებზე.

კლინიკა აღჭურვილია ულტრა-თანამედროვე სამედიცინო აპარატურით და დაკომპლექტებულია მაღალკვალიფიციური სამედიცინო პერსონალით, რაც იძლევა საშუალებას პაციენტებმა მიიღონ ევროპული დონის სამედიცინო მომსახურება.

აღსანიშნავია, რომ დაარსებიდან დღემდე, **შ.პ.ს. „თბილისის სახელმწიფო სამედიცინო უნივერ-**

სიტეტისა და ინგოროყვას მაღალი სამედიცინო ტექნოლოგიების კლინიკა“ არის საქართველოში რვა სამედიცინო დარგისა და მიმართულების ფუნქციონირება, რომელიც დღეს უკვე ქვეყანაში საერთაშორისო სტანდარტების მიხედვით არის განვითარებული. კლინიკა გაფართოვდა, დაემატა ახალი კორპუსი, სადაც განთავსდა თსუ-ის კლინიკური დეპარტამენტები.

თბილისის სახელმწიფო სამედიცინო უნივერსიტეტის უნაშაქის სახელობის სტომატოლოგიური კლინიკა



თსუ-ის აპოლონ ურუშაძის სახელობის სტომატოლოგიური კლინიკა არსებობს საუკუნოვან ისტორიას ითვლის. სტომატოლოგიური კლინიკის ფუნქციონირება, აღმამენებლის გამოჩენაზე მდებარე, არქიტექტურით გამოირჩეულ შენობაში, 1922 წლიდან იწყება. კლინიკა უნივერსიტეტის

სასწავლო ბაზა და აკრედიტებული ამბულატორიული სამედიცინო (სამკურნალო-პროფილაქტიკური) დაწესებულებაა, რომელიც პაციენტს აწვდის და ახორციელებს სტომატოლოგიური მომსახურების სრულ და უწყვეტ სერვისს, კერძოდ, მოზრდილთა თერაპიულ, ქირურგიულ, პაროდონტოლოგიურ, ორთოპედიულ, ბავშვთა და მოზარდთა თერაპიულ, ქირურგიულ, ორთოდონტიულ და რენტგენოვიზიოგრაფიულ მომსახურებას, სადაც უზრუნველყოფილია უსაფრთხოების და სტერилиზაციის მაღალი სტანდარტი.

კლინიკის ბაზაზე განთავსებულია თბილისის სახელმწიფო სამედიცინო უნივერსიტეტის სტომატოლოგიის ფაკულტეტის დეპარტამენტები

(**ოდონტოლოგიის, პაროდონტიისა და პირის ღრუს ლორწოვანი გარსის დაავადებათა, ორთოპედიული სტომატოლოგიის, ბავშვთა და მოზარდთა თერაპიის, ორთოდონტიის, ყბა-სახის ქირურგიის**), რომლებიც აქტიურად წარმოადგენს სწავლების პროცესს თანამედროვე სტომატოლოგიის განვითარების კვალდაკვალ. პროფესორ-მასწავლებლების მეთვალყურეობით, სტუდენტები, აქტიურად არიან ჩართულნი პაციენტთა მკურნალობის პროცესში.

კლინიკა აღჭურვილია თანამედროვე ტიპის სტომატოლოგიური დანადგარებით, სასწავლო ფანტომ-მულაჟებით და კომპიუტერული ტექნიკით. უახლესი თაობის სტომატოლოგიური ტრენაჟორი – „Nissin Simodont Dental Trainer“ კლინიკის

სიამაყეა. სწორედ მისი გამოყენებით იხვეწება სტუდენტის მიერ პირის ღრუში მანევრირების ტექნიკა. კლინიკაში კლინიკურ, სასწავლო და კვლევითი აქტივობების წარმატებულ პროცესს ხელს უწყობს სტომატოლოგიური ულტრათანამედროვე ელექტრონული მიკროსკოპი – Leica. კლინიკის ბაზაზე ფუნქციონირებს თანამედროვე ტიპის ორთოპედიული სატექნიკო ლაბორატორია (CAD/CAM), რომელიც აღჭურვილია უახლესი ჩარბ-დანადგარებით და სრულად კომპიუტერიზებული მართვის ცენტრით, რაც უზრუნველყოფს მაღალი ხარისხის სტომატოლოგიურ მომსახურებას.

კლინიკაში აქტიურად მიმდინარეობს როგორც დიპლომამდელი, ისე დიპლომისშემდგომი სწავლების პრო-

ცესი – **რეზიდენტურის სრული კურსი: თერაპია, ორთოპედია, ორთოდონტია, სუბსპეციალობა, რეაბილიტაცია და რეზიდენტურის შემოკლებული კურსები, სამუალ-სპეციალური განათლების მქონე მედპერსონალის სტაჟირება.**

კლინიკა ხშირად მასპინძლობს უცხოელ პროფესორებს ლექცია-სემინარების ჩასატარებლად;

2024 წლიდან დღემდე ოდონტოლოგიის დეპარტამენტის ხელმძღვანელის ორგანიზებით და პროფესორ-მასწავლებლების ჩართულობით, კლინიკის ბაზაზე მიმდინარეობს დევნილთა, შრომის, ჯანმრთელობისა და სოციალური დაცვის სამინისტროს მიერ აკრედიტებული უწყვეტი სამედიცინო განათლების პროგრამები.

მაღა თსუ-ის კლინიკების ნიშნები გაიზარდა, მას ახალი კლინიკები შეემატება



თბილისის სახელმწიფო სამედიცინო უნივერსიტეტის № 1 სტომატოლოგიური კლინიკა



შენიშნა მაღალი უნივერსიტეტის შენობა ვაჟა-ფშაველას გამზიდის იმერეანაძე, სადაც მათავსდება ავანაურონილი სენიისი

შენიშნა თსუ-ის მათავარი პანთათლოგის კლინიკა საანაურონიის ქანაზე



საერთაშორისო უნიტარობები



საერთაშორისო ურთიერთობების დეპარტამენტი, უნივერსიტეტის ინსტიტუციური გაძლიერების მიზნით, კოორდინირებას უწევს სწავლისა და კვლევის ინტერნაციონალიზაციის აქტივობებს და ხელს უწყობს საერთაშორისო სამეცნიერო და საგანმანათლებლო სივრცეში თბილისის სახელმწიფო სამედიცინო უნივერსიტეტის როლის გაძლიერებას. უნივერსიტეტის

ინტერნაციონალიზაციის სამოქმედო გეგმის შესაბამისად, დეპარტამენტის პრიორიტეტულ მიზნებს წარმოადგენს: საერთაშორისო ორგანიზაციებთან თანამშრომლობა; უცხოეთის უმაღლეს საგანმანათლებლო დაწესებულებებთან, კვლევით ინსტიტუტებთან, სამეცნიერო და სამედიცინო ცენტრებთან კავშირების ჩამოყალიბება და განვითარება; საერთაშორისო პროექ-

ტების მოძიება; საერთაშორისო ორგანიზაციებსა და პროფესიულ ასოციაციებში უნივერსიტეტის განეწევა; სტუდენტთა, რეზიდენტთა და პროფესორ-მასწავლებელთა საერთაშორისო მობილობის პროცესის ხელშეწყობა; უნივერსიტეტში საერთაშორისო კონფერენციების, სემინარებისა და მსგავსი ღონისძიებების ორგანიზება; ერთობლივი საგანმანათლებლო პროგრამების ხელშეწყობა; თანამშრომლობა საქართველოში აკრედიტებულ დიპლომატიურ მისიებთან და საერთაშორისო ორგანიზაციებთან; საერთაშორისო რანჟირების სისტემებში უნივერსიტეტის ჩართულობის ხელშეწყობა; საერთაშორისო სტუდენტების მოზიდვა, მხარდაჭერა და სხვა.

თბილისის სახელმწიფო სამედიცინო უნივერსიტეტი სრულყოფილია ნევრა შედეგი საერთაშორისო ორგანიზაციებისა და ასოციაციების:

• ევროპის უნივერსიტეტთა ასოციაცია EUA

• სამედიცინო განათლების საერთაშორისო ასოციაცია AMEE
• უნივერსიტეტთა დიდი ქარტია Magna Charta Universitatum
• უნივერსიტეტთა პრეზიდენტების საერთაშორისო ასოციაცია IAUP
• ევროპის მედიკოს სტუდენტთა ასოციაცია EMSA
• მედიკოს სტუდენტთა ასოციაციების საერთაშორისო ფედერაცია IFMSA
• ევრაზიული აბრეშუმის გზის უნივერსიტეტების კონსორციუმი ESRUC
• სქესობრივი და რეპროდუქციული ჯანმრთელობისა და უფლებების აკადემიური ქსელი ANSER
• ევროპის სამედიცინო სკოლათა ასოციაცია (AMSE)

თბილისის სახელმწიფო სამედიცინო უნივერსიტეტი მჭიდროდ თანამშრომლობს შემდეგ ორგანიზაციებთან:

• ჯანდაცვის მსოფლიო ორგანიზაცია - WHO

• სამედიცინო განათლების მსოფლიო ფედერაცია - WFME
• უცხოელ სამედიცინო კურსდამთავრებულთა საგანმანათლებლო კომისია - ECFMG
• ოქსფორდის აკადემიური კავშირი (ACADEMIC UNION OXFORD)
• გერმანიის აკადემიური გაცვლის სამსახური - DAAD
• ამერიკის შეერთებული შტატების საერთაშორისო განვითარების სააგენტო - USAID
• გაერთიანებული ერების ორგანიზაციის მოსახლეობის ფონდი (UNFPA)
• ქირურგთა, გასტროენტეროლოგთა და ონკოლოგთა საერთაშორისო ასოციაცია - IASGO
• ამერიკულ-ავსტრიული ფონდი/ლია სამედიცინო ინსტიტუტი - AAF/OMI
• დაავადებათა კონტროლის ცენტრები (CDC)
• ჯანდაცვის სკოლების ასოციაცია ევროპის რეგიონში (AS-PHER)
• ევროპის უმაღლესი განათლების საერთაშორისო ასოციაციის (EAlE)

პარტნიორი უნივერსიტეტები

ავსტრია

- ვენის სამედიცინო უნივერსიტეტი
- ინსბრუკის სამედიცინო უნივერსიტეტი
- ინსბრუკის უნივერსიტეტი
- ტიროლის კლინიკების გაერთიანების დასავლეთის საგანმანათლებლო ცენტრი (AZW)

აზერბაიჯანი

- აზერბაიჯანის სამედიცინო უნივერსიტეტი
- კავკასიის უნივერსიტეტი

აშშ

- ემორის უნივერსიტეტის მედიცინის სკოლა
- ოლბანის საზოგადოებრივი ჯანდაცვის სკოლა
- სკრენტონის უნივერსიტეტი

ბელგია

- ლუვენის კათოლიკური უნივერსიტეტი
- ლიეჟის უნივერსიტეტი

ბელორუსი

- ბელორუსის დიპლომისშემდგომი სამედიცინო განათლების აკადემია
- ბელორუსის სახელმწიფო სამედიცინო უნივერსიტეტი
- გროდნოს სახელმწიფო სამედიცინო უნივერსიტეტი
- ვიტებსკის სახელმწიფო სამედიცინო უნივერსიტეტი

ბულგარეთი

- სოფიის სამედიცინო უნივერსიტეტი
- ვარნის სამედიცინო უნივერსიტეტი
- პლევენის სამედიცინო უნივერსიტეტი

გერმანია

- ბენის ფრიდრიხ შილერის უნივერსიტეტი
- ჰანოვერის კარლიოქსერგოული კლინიკა
- ბერლინის შარიტეს სამედიცინო უნივერსიტეტი
- მიუნხენის ლუდვიგ-მაქსიმილიანის უნივერსიტეტი
- დუსელდორფის ება-სახის პლასტიკური ქირურგიისა და იმპლანტოლოგიური კლინიკა
- შანოვერის სამედიცინო სკოლა
- მიუნხენის ტექნიკური უნივერსიტეტი
- ფრენკფურტის გამოყენებითი მეცნიერებების უნივერსიტეტი
- ბონის უნივერსიტეტი

ესპანეთი

- მიგელ ერნანდესის სახელობის ელჩეს უნივერსიტეტი

თურქეთი

- ბოლუს აბანტ იზეთ ბაიასალის უნივერსიტეტი
- ილარი იბრაჰიმ ჩეჩენის უნივერსიტეტი

- ათათურქის უნივერსიტეტი
- ეგეოსის უნივერსიტეტი
- ერზინჯანის უნივერსიტეტი
- შაჯეტეპეს უნივერსიტეტი
- კავკასიის უნივერსიტეტი
- ონდოკუშ მაის უნივერსიტეტი
- რეჯეპ ტაიპ ერდოღანის უნივერსიტეტი
- არდალანის უნივერსიტეტი
- ბეიკენტის უნივერსიტეტი
- ჯანდაცვის მეცნიერებების უნივერსიტეტი
- ბორუნის უნივერსიტეტი

თურქმენეთი

- მურატ გარიევის სახელობის თურქმენეთის სახელმწიფო სამედიცინო უნივერსიტეტი

ინდოეთი

- კიიტის უნივერსიტეტი

ისრაელი

- ნეგევის ბენ-გურიონის უნივერსიტეტი
- არიელის უნივერსიტეტი

იტალია

- კამპანიის უნივერსიტეტი „ლუიჯი ვანვიტელი“, ნეაპოლი
- რომის უნივერსიტეტი „ტორ ვერგატა“
- გენუის უნივერსიტეტი
- სალერნოს უნივერსიტეტი
- პადუას უნივერსიტეტი
- პიზის უნივერსიტეტი

კანადა

- კვებეკის უნივერსიტეტი

ლატვია

- რიგის სტრადინის უნივერსიტეტი
- დაუგავილსის სამედიცინო კოლეჯი

მაროკო

- კასაბლანკას შასან II უნივერსიტეტი

მოლდოვა

- ნიკოლაე ტესტემიტანუს მედიცინისა და ფარმაციის სახელმწიფო უნივერსიტეტი

ნიდერლანდები

- როტერდამის ბებიაქალთა აკადემია

ნორვეგია

- ბერგენის უნივერსიტეტი

პოლონეთი

- ლუბლინის სამედიცინო უნივერსიტეტი
- ვარშავის სამედიცინო უნივერსიტეტი
- გდანსკის სამედიცინო უნივერსიტეტი
- სილეზიის უნივერსიტეტი კატოვიცეში
- პოზნანის სამედიცინო მეცნიერებათა უნივერსიტეტი
- იაგელონიის უნივერსიტეტი
- ინფორმაციული ტექნოლოგიებისა და მედიკამენტების უნივერსიტეტი (ჟეზოვი)
- ბილიასტოკის სამედიცინო უნივერსიტეტი

პორტუგალია

- კოიმბრის უნივერსიტეტი

რუმინეთი

- ბაბეშ-ბოლიაის უნივერსიტეტი
- მედიცინის და ფარმაციის უნივერსიტეტი „კაროლ დავილა“
- გალატიის დანუბიუსის უნივერსიტეტი
- სიბიუს ლუჩიან ბლაგას უნივერსიტეტი
- ჯორჯ ემილ პალადის მედიცინის, ფარმაციის, მეცნიერებისა და ტექნოლოგიის უნივერსიტეტი (ტირგუ მურეში)
- „პროფ. იონ ჩირიკუტა“ კლუჟ-ნაპოკის ონკოლოგიის ინსტიტუტი

სომხეთი

- ერევნის სახელმწიფო სამედიცინო უნივერსიტეტი

საფრანგეთი

- მარსელის ხმელთაშუა ზღვის უნივერსიტეტი
- გაერთიანებული ერების უნივერსიტეტი
- პარიზის ვალ დე-მარნის უნივერსიტეტი
- მენეჯმენტისა და ალსრულების აკადემია

სლოვაკეთი

- კონსტანტინე ფილოსოფოსის სახელობის უნივერსიტეტი ნიტრაში

ტაჯიკეთი

- ავიცენას სახელობის ტაჯიკეთის სახელმწიფო სამედიცინო უნივერსიტეტი
- ხალტონის სახელმწიფო სამედიცინო უნივერსიტეტი

უკრაინა

- ლუგანსკის სახელმწიფო სამედიცინო უნივერსიტეტი
- ბოგომოლევსკის ეროვნული სამედიცინო უნივერსიტეტი
- ბუკოვინის სახელმწიფო სამედიცინო უნივერსიტეტი
- ტერნოპოლის სახელმწიფო სამედიცინო უნივერსიტეტი
- ხარკოვის დიპლომისშემდგომი განათლების სამედიცინო აკადემია
- ზაპოროჟიის სახელმწიფო სამედიცინო უნივერსიტეტი
- ფარმაციის ეროვნული უნივერსიტეტი
- უკრაინის სამედიცინო და სტომატოლოგიური აკადემია
- დნეპროპეტროვსკის სახელმწიფო სამედიცინო აკადემია
- პოლტავის სახელმწიფო სამედიცინო უნივერსიტეტი

უზბეკეთი

- სამარყანდის სახელმწიფო სამედიცინო უნივერსიტეტი

უნგრეთი

- ზემელევისის უნივერსიტეტი
- სზეგედის უნივერსიტეტი

ყაზახეთი

- ალმათის სამედიცინო განათლების სახელმწიფო ინსტიტუტი
- დასავლეთ ყაზახეთის მარატ ოსპანოვის სახელობის სახელმწიფო სამედიცინო უნივერსიტეტი

შრი-ლანკა

- კოლომბოს უნივერსიტეტი

ERASMUS+ საერთაშორისო კრედიტმობილობის ფარგლებში თბილისის სახელმწიფო სამედიცინო უნივერსიტეტი ახორციელებს ორგანიზაციის გაწვევას შემდეგ ევროპულ უნივერსიტეტებთან:

ავსტრია

- ტიროლის კლინიკების გაერთიანების დასავლეთის საგანმანათლებლო ცენტრი (AZW)

ბელგია

- ლიეჟის უნივერსიტეტი

ბულგარეთი

- პლევენის სამედიცინო უნივერსიტეტი
- სოფიის სამედიცინო უნივერსიტეტი

გერმანია

- ბერლინის შარიტეს სამედიცინო უნივერსიტეტი
- მაგდებურგის ოტო ფონ გერიკეს უნივერსიტეტი
- ბონის უნივერსიტეტი

დიდი ბრიტანეთი

- მიდლსექსის უნივერსიტეტი
- ჩესტერის უნივერსიტეტი
- კარდიფის მეტროპოლიტენ უნივერსიტეტი
- კილის უნივერსიტეტი

ესპანეთი

- სანტიაგო დე კომპოსტელას უნივერსიტეტი

ესტონეთი

- ტალინის ჯანდაცვის კოლეჯი
- ტარტუს უნივერსიტეტი

თურქეთი

- ჯუმჰურიეთის უნივერსიტეტი
- დიჯლეს უნივერსიტეტი
- იზმირის ტინაზტეპეს უნივერსიტეტი
- ათათურქის უნივერსიტეტი

იტალია

- პიზის უნივერსიტეტი
- სასარის უნივერსიტეტი
- პავიის უნივერსიტეტი
- პერუჯის უნივერსიტეტი
- სალერნოს უნივერსიტეტი
- მილანის ბიკოკას უნივერსიტეტი
- კატანიას უნივერსიტეტი
- „გ. დ'ანუციო“ ჩიეტი-პესკარას უნივერსიტეტი

ლატვია

- ლატვიის უნივერსიტეტის რიგის სამედიცინო კოლეჯი

ლიეტუვა

- ლიეტუვას ჯანდაცვის მეცნიერებათა უნივერსიტეტი
- კლაიპედას გამოყენებითი მეცნიერებების უნივერსიტეტი
- ვილნიუსის გამოყენებითი მეცნიერებათა უნივერსიტეტი

პოლონეთი

- პოზნანის სამედიცინო მეცნიერებათა უნივერსიტეტი
- ლუბლინის სამედიცინო უნივერსიტეტი
- შოპისლანსკის კოლეჯი კვიძინში
- შჩეცინის დასავლეთ პომერანიის ტექნოლოგიური უნივერსიტეტი
- გდანსკის სამედიცინო უნივერსიტეტი
- იან კოხანოვსკის სახელობის კელცის უნივერსიტეტი
- ვარშავის სამედიცინო უნივერსიტეტი

პორტუგალია

- პორტოს უნივერსიტეტი

რუმინეთი

- ჯორჯ ემილ პალადის მედიცინის, ფარმაციის, მეცნიერებისა და ტექნოლოგიის უნივერსიტეტი (ტირგუ მურეში)
- კრაიოვას მედიცინისა და ფარმაციის უნივერსიტეტი
- იულიუ შაციეგანუს მედიცინის და ფარმაციის უნივერსიტეტი

საბერძნეთი

- არისტოტელეს სახელობის თესალონიკის უნივერსიტეტი
- დასავლეთ ატიკის უნივერსიტეტი

საფრანგეთი

- ტულუზის პოლ საბატიეს სახელობის უნივერსიტეტი
- პარიზის ვალ-დე-მარნის უნივერსიტეტი
- იშვიათი მუღტისისტემური სისხლძარღვთა დაავადებების ევროპული ქსელი

სლოვაკეთი

- ნიტრას კონსტანტინე ფილოსოფოსის სახელობის უნივერსიტეტი

უნგრეთი

- დებრეცენის უნივერსიტეტი

ხორვატია

- ზაგრების უნივერსიტეტი
- ზადარის უნივერსიტეტი

ჩეხეთი

- ოსტრავას უნივერსიტეტი

ნიდერლანდები

- ერაზმუსის სახელობის როტერდამის უნივერსიტეტი

სამედიცინო მუშაობის კოორდინაციის, მართვის, მართვის და მართვის სამსახური

სამედიცინო მუშაობის კოორდინაციის, მართვის, მართვის და მართვის სამსახური პასუხისმგებელია თბილისის სახელმწიფო სამედიცინო უნივერსიტეტში განხორციელებული სამედიცინო მუშაობის კოორდინაციაზე, მაგისტრატურისა და დოქტორანტურის საქმიანობაზე. იგი აქტიურად თანამშრომლობს ხარისხის უზრუნველყოფის სამსახურთან, უნივერსიტეტის ყველა ფაკულტეტთან, საზოგადოებრივი ჯანდაცვის სკოლასა და სხვა სტრუქტურულ დაწესებულებებთან.

სამსახურის საქმიანობა მოიცავს სამედიცინო და სადოქტორო კვლევის პროგრამების დამტკიცების პროცესის, დოქტორანტურასა

და მაგისტრატურაში კონკურსის გამართვას, მისაღები გამოცდების ჩატარებასა და დოქტორანტურაში მაგისტრანტთა ჩარიცხვის პროცესის ორგანიზებას, პერმანენტულ კონტროლს აღნიშნული პროგრამების განხორციელებაზე, სამაგისტრო ნაშრომების დაცვისა და დოქტორანტების მიერ სასწავლო კომპონენტის გადის ორგანიზებას, სადოქტორო დისერტაციების დაცვისთვის სათანადო დოკუმენტაციის მომზადებას სადისერტაციო საბჭოებში წარსადგენად, განათლების ხარისხის განვითარების ეროვნული ცენტრის მოთხოვნის შესაბამისად, უცხოეთში დაცული სადისერტაციო ნაშრომების შეფასებას კვლევის შედეგების სამედიცინო, აკადემიური,

პრაქტიკული და მეთოდური ღირებულების თვალსაზრისით.

სამსახური უზრუნველყოფს ინფორმაციის შეგროვებას თსუ-ში განხორციელებული სამედიცინო კვლევების, სხვადასხვა მიმართულების თუ დეპარტამენტის მიერ მიღებული გრანტების და სხვა სამედიცინო აქტივობების შესახებ, რომლის სისტემატიზების შემდეგ ამზადებს უნივერსიტეტის სამედიცინო საქმიანობის ყოველწლიურ ანგარიშებს. ამ ანგარიშების წარდგენა და მოხსენება ხდება როგორც საქართველოს მეცნიერებათა ეროვნულ აკადემიაში, ისე – სხვადასხვა სამედიცინო ფორუმზე და, მოთხოვნის შემთხვევაში, საქართველოს განათლების, მეცნიერებისა და ახალგაზრდობის

სამინისტროსა და სხვა დაინტერესებულ სახელმწიფო უწყებებში.

თბილისის სახელმწიფო სამედიცინო უნივერსიტეტის ერთ-ერთი უმნიშვნელოვანესი საზრუნავია ახალგაზრდა სპეციალისტების მომზადება, რომლებიც მომავალში ღირსეულად განაგრძობენ როგორც სამედიცინო, ასევე, აკადემიურ და პრაქტიკულ საქმიანობას. უნივერსიტეტში მოქმედებს 4 სადოქტორო კვლევის („მედიცინა“, „სტომატოლოგია“, „საზოგადოებრივი ჯანდაცვა“, „ფარმაცია“) და 11 სამაგისტრო პროგრამა, რომელთა კურსდამთავრებულები – აკადემიური დოქტორები და მაგისტრები, წარმატებით საქმიანობენ მედიცინის, სტომატოლოგიის,



საზოგადოებრივი ჯანდაცვის, ფარმაციის და ფიზიკური მედიცინისა და რეაბილიტაციის სფეროების სხვადასხვა სექტორში.

სტუდენტთან და კონსტრუქციულად ურთიერთობისა და კარიერული განვითარების სამსახური



სტუდენტებთან და კურსდამთავრებულებთან ურთიერთობისა და კარიერული განვითარების სამსახური წარმოადგენს უნივერსიტეტის ადმინისტრაციულ ერთეულს რექტორის აპარატში, რომლის ძირითადი ფუნქციებია საკარიერო სერვისის განვითარება, თსუ-ის სტუდენტებთან და კურსდამთავრებულებთან კომუნიკაცია, თბილისის სახელმწიფო სამედიცინო უნივერსიტეტის სტუდენტური თვითმმართველობის, სტუდენტური ორგანიზაციებისა და კლუბების კოორდინაცია და

მათი საქმიანობის ხელშეწყობა, სტუდენტებისა და კურსდამთავრებულთათვის დასაქმებისა და სტაჟირების ხელშეწყობა და, ამ მიზნით, თანამშრომლობის კოორდინირება სამოქალაქო, კერძო და სახელმწიფო სექტორთან.

სამსახური უზრუნველყოფს სტუდენტებისთვის საინფორმაციო და საკონსულტაციო სერვისების განვითარებას, ლექცია-სემინარების, ტრენინგების და მასტერკლასების ორგანიზებას, სოციალურად დაუცველი, იძულებით გადაადგილებული, ეთნიკური უმცირესობის და საერთაშორისო სტუდენტების საუნივერსიტეტო ცხოვრებაში ინტეგრაციის ხელშეწყობას, სტუდენტური სოციალური პროექტების ორგანიზებასა და განხორციელებას, სტუდენტთა და კურსდამთავრებულთა სტაჟირების პროგრამებში მონაწილეობას, თსუ-ის ადმინისტრაციასთან შეთანხმებით, ურთიერთობას შესაბამის სახელმწიფო, კერძო, სამოქალაქო ორგანიზაციებთან და უმაღლეს საგანმანათლებლო

დაწესებულებებთან ერთობლივი საგანმანათლებლო აქტივობების განხორციელების მიზნით. სტუდენტებთან და კურსდამთავრებულებთან ურთიერთობისა და კარიერული განვითარების სამსახურის ჩართულობით, თბილისის სახელმწიფო სამედიცინო უნივერსიტეტში ეფექტურად წარიმართება კოორდინაცია სტუდენტებსა და უნივერსიტეტის ადმინისტრაციას შორის, დამსაქმებელ კომპანიებთან თანამშრომლობა და ვაკანსიების კერძო თუ სახელმწიფო უწყებებში მოძიება პროფესიული მიმართულებით, კარიერული განვითარების მიმართულებით მუდმივად მიმდინარეობს სტუდენტებისა და კურსდამთავრებულების პროფესიული და საკარიერო განვითარების ხელშეწყობა; სამსახურის ჩართულობით გა-

ცილებით სწრაფად, ეფექტურად და მარტივად ხერხდება დამსაქმებელთან, პროფესიულ და დამსაქმებელთა ასოციაციებთან ურთიერთობა; სამსახურის მიერ ხორციელდება სტუდენტთა და კურსდამთავრებულთა მიზნობრივი კვლევები, რაც უმნიშვნელოვანესი ფაქტორია წარმატებული შედეგის მისაღწევად. ამ კვლევების საფუძველზე ყველა შეთავაზება და წინადადება სწრაფად მიეწოდება მიზნობრივ ჯგუფებს. სტუდენტებთან და კურსდამთავრებულებთან ურთიერთობისა და კარიერული განვითარების სამსახურის მიერ განხორციელებული დასაქმების ფორუმები ყოველთვის შედეგიანი და ეფექტური იყო სამსახურის მამდიებელი სტუდენტებისა და კურსდამთავრებულებისთვის; სტუდენტებთან და კურსდამთავრებულებთან ურთიერთობისა და კარიერული განვითარების სამსახურის ფუნქციაში შედის, ასევე, სტუდენტური ორგანიზაციების და კლუბების საქმიანობის ორგანიზება და კოორდინირება; სტუდენტურ-

რი პროგრამების და პროექტების განხორციელება.

თბილისის სახელმწიფო სამედიცინო უნივერსიტეტში ფუნქციონირებს შემდეგი კლუბები და ორგანიზაციები: თსუ-ის სტუდენტური თვითმმართველობა; ივ.თარხნიშვილის სახელობის სტუდენტთა სამედიცინო საზოგადოება; მედიკოს სტუდენტთა ასოციაციების მსოფლიო ფედერაცია (IFMSA); ევროპის მედიკოს სტუდენტთა ასოციაცია-თბილისი (EMSA); ევროპის სტომატოლოგ სტუდენტთა ასოციაცია (EDSA); საქართველოს ფარმაცევტ სტუდენტთა ასოციაცია (GPSA); საქართველოს საზოგადოებრივი ჯანდაცვის სტუდენტური ორგანიზაცია; სტუდენტური სამედიცინო-კვლევითი კლუბი „ენდევორი“; ინტელექტ-კლუბი; კინოკლუბი MEDICINEMA; საქართველოს თანასწორობის ასოციაციის სამედიცინო უნივერსიტეტის წარმომადგენლობა, სტუდენტური სიმულაციური კლუბი – „მომავალი ექიმები საქართველოსთვის“, საქართველოს ჯანმრთელობის ახალგაზრდული ასოციაცია.

კულტურის ცენტრი

თბილისის სახელმწიფო სამედიცინო უნივერსიტეტის კულტურის ცენტრი მდიდარი შემოქმედებითი ცხოვრებით და განსაკუთრებული მიღწევებითაა გამოირჩეული – კულტურის ცენტრთან არსებული სიმღერისა და ცეკვის სახალხო, დამსახურებული ანსამბლი „ქართული ფოლკლორი“, დრამატული თეატრი „ჰიგია“, თანამედროვე და სამედიცინო ცეკვების ანსამბლი „ვერა“, ტრადიციული მუსიკისა და სიმღერის გოგონათა ანსამბლი „დეკა“, ვოკალური ანსამბლი, კლასიკური მუსიკისა და საერთაშორისო სტუდენტთა ჯგუფები საუკეთესო ასპარეზია შემოქმედებითი ნიჭით დაჯილდოებული სტუდენტებისთვის.

შთაბეჭდავია სიმღერისა და ცეკვის სახალხო, დამსახურებულ ანსამბლ „ქართული ფოლკლორის“

თითქმის 40-წლიანი ისტორია და მიღწევები (ანსამბლის დამაარსებელი და ხელმძღვანელია თსუ-ის კულტურის ცენტრის დირექტორი, ეროვნული და საერთაშორისო ფესტივალების ლაურეატი, იტალიის კულტურის პრემიისა და ორდენი „ამაღვარის“ მფლობელი, ბადრი მაჭავარიანი, მთავარი ქორეოგრაფი – ანსამბლ „სუბივილეების“ ყოფილი მსახიობ-მოცეკვავე დავით უგრეხელიძე, ეროვნული და საერთაშორისო ფესტივალების ლაურეატები: ქორეოგრაფი ინეზა კუპრეიმფილი და ლოტბარი დავით რატიანი).

განსაკუთრებული აღნიშვნის ღირსია დრამატულ თეატრ „ჰიგიას“ ოცნების ტრიუმფალური სვლა: 20 პრემიერი, უდიდესი წარმატებები ეროვნულ და საერთაშორისო ფესტივალებზე, წარმა-

ტებული გასტროლები თურქეთში, შვედეთში, აზერბაიჯანსა და მონაკოში. თეატრის რეჟისორის, თსუ-ის ასოცირებული პროფესორის, ნათია გუჯაბიძის, ინიციატივით დაარსებულ მოყვარულ სტუდენტურ თეატრთა საერთაშორისო ფესტივალ „ნილაბზე“, „ჰიგიაში“ წელსაც არაერთ ნომინაციაში გაიმარჯვა.

უნივერსიტეტის ქართველ და საერთაშორისო სტუდენტებს შორის დიდი პოპულარობით სარგებლობს თანამედროვე და სამედიცინო ცეკვების ანსამბლი „ვერა“ (ხელმძღვანელი, ეროვნული და საერთაშორისო კონკურსების გამარჯვებული – ია კვირიკაშვილი).

სტუდენტებში პოპულარულია თსუ-ის საერთაშორისო სტუდენტთა ცეკვის ჯგუფები (კოორდინატორი – მარიამ მაჭავარიანი).

მაყურებელთა დიდ მოწონებას იმსახურებს კლასიკური მუსიკის ჯგუფის (ხელმძღვანელი – გოდერძი ჩიტაშვილი) და ტრადიციული მუსიკისა და სიმღერის გოგონათა ანსამბლ „დეკას“ (ხელმძღვანელი – დავით რატიანი, ხალხურ საკრავთა ჯგუფის ხელმძღვანელი – გელა ტაბაშიძე) კონცერტები და საქველმოქმედო ღონისძიებებში მონაწილეობა მთელი ქვეყნის მასშტაბით. თსუ-ის კულტურის ცენტრი



კვლავაც აგრძელებს ნიჭიერ სტუდენტთა ძიებას და შემოქმედებით საქმიანობას როგორც საქართველოში, ისე – უცხოეთში.

სპორტის ცენტრი



თბილისის სახელმწიფო სამედიცინო უნივერსიტეტის სპორტის ცენტრი, ტრადიციულად, განსაკუთრებული სპორტული მიღწევებით გამოირჩევა. ცენტრში თსუ-ის სტუდენტებისთვის ფუნქციონირებს: კალათბურთის, მინი-ფეხბურთის, ფრენბურთის (გოგონები/ვაჟები), მკლავჭიდის, ძალისმიერი სამჭიდის, რაგბის, მაგიდის ჩოგბურთის,

ბადმინტონის, ჭადრაკის სპორტული ჯგუფები; უახლესი ტექნიკით აღჭურვილი ტრენაჟორებისა და ფიტნესის დარბაზები სტუდენტების აქტიური დასვენებისა და ჯანსაღი ცხოვრების წესის განუყოფელი ნაწილია.

თსუ-ის სპორტულ ბაზებზე რეგულარულად ხორციელდება შიდასაუნივერსიტეტო სპორტული შეჯიბრებები სპორტის სხვადასხვა სახეობაში. ჩემპიონატებში ჩართულნი არიან თსუ-ის როგორც ქართველი, ისე საერთაშორისო სტუდენტები და პროფესორ-მასწავლებლები.

გასული წლები გამარჯვების

მომგებიანი გახლდათ თსუ-ის სტუდენტებისთვის სპორტის ბევრ სახეობაში, გამოჩენილი არც სულ ბოლო წარმატება – „სტუდენტურ ფესტივალ-2025“-ში, სპორტის 9 სახეობაში საპრიზო ადგილებზე თსუ-ის სტუდენტები გავიდნენ; საამაყოა ისიც, რომ თბილისის სახელმწიფო სამედიცინო უნივერსიტეტის ევროპის საუნივერსიტეტო სპორტის ფედერაციის (EUSA) ასოცირებული წევრის დროებითი სტატუსი მიენიჭა.

სამომავლოდაც, თსუ-ის სპორტის ცენტრის ხელშეწყობით, არაერთი სპორტული გამარჯვება

შემატება თბილისის სახელმწიფო სამედიცინო უნივერსიტეტის წარმატებათა ნუსხას. სპორტის ცენტრში დაინტერესებული სტუდენტებისთვის ყველა პირობაა შექმნილი, რომ მათი სტუდენტური ცხოვრება კიდევ უფრო მრავალფეროვანი და საინტერესო გახდეს.

სპორტული ცხოვრება და ცხოვრების ჯანსაღი წესი თსუ-ის სტუდენტებისთვის განუყოფელი ღირებულებაა და ამ იდეის ცხოვრებაში განსახორციელებლად ყოველწლიურად მეტი და მეტი სტუდენტი ერთიანდება.

„სამედიცინო გაზეთი“ **ხედაქცია**
 ვეა-უშავედას გამზიხი №33, ოთახი №600, ტ.: 254-24-64 **ხედაქცია** ვეა მუხანანი
 კოხესპონდენტები **დახედა** კომდაქ ტ.:558 17 08 47 **ნაწო** ბოქედაქ ტ.:555 28 28 97
 ევ-ფოსტა **newspaper@tsmu.edu**